

古文冰雪携

名家小品

記

春風樓記

曹學佺

重修醉翁豐樂二亭記

葉向高

五岳園記

焦竑

也足園記

陶望齡

媚樵亭記

王思任

玉版居記

黃汝亨

硯北樓記

袁中道

○江峰閣記

陳函輝

領珠亭記

梁雲構

花捧閣記

朱徽

○兔柴記

董其昌

綴觴記

陳元素

○浣紗石記

王章

○杵葱堂記

翁吉燝

○烏有園記

劉士龍

古文
偶園記

康范生

西陽山房記

陳弘緒

過釣臺記

沈中柱

上天竺藏經閣記

李陳玉

遊个崙絕頂洞天記

周之夔

遊岵記

姚希孟

○ 黃山記

凌 駟

○ 遊虎丘記

錢應金

夢遊玄洲記

王 衡

化鷄國記

陳仁錫

○ 彭蠡艤舟記

鄒元標

彭蠡遊記

○ 虎丘玲瓏棧記

黎遂球

○ 江外河功紀成記

陳函輝

觀瓢記

王思任

淨業寺觀水記

王心一

山中嘉樹記

姚希孟

耦園松樹記

韓詩

○ 題簞記

楊廷樞

戲神清源師廟記

湯顯祖

聚五齋乩仙記

陳元素

遇仙記

劉道貞

青玉舫暑遜記

闕士琦

左手篆文記

陳萬言

○ 山居闢雞記

袁宏道

靈兔塚記

黃汝亨

琉璃盞雙紅魚記

黎遂球

闡試策記

徐肇榮

汾湖石記

葉小鸞 閨女

靈泉石記

葉小鸞

山谷閣藏書記

葉小鸞

古年樂文記

葉小鸞

古年樂文記

葉小鸞

古年樂文記

葉小鸞

古年樂文記

葉小鸞

古年樂文記

葉小鸞

古年樂文記

葉小鸞

古文小品冰雪携

吳下 懶僊衛泳 箋

春風樓記

曹學佺

夫山○融○水○羸○則○能○蕩○之○而○來○壑○深○舟○固○則○或○負○
之○而○去○故○樓○居○爲○仙○人○之○所○好○而○水○上○爲○智○者○
之○至○樂○也○余○今○年○客○豫○章○住○在○東○湖○友○人○李○雲○
將○氏○門○楣○相○對○一○呼○卽○集○時○坐○春○風○樓○中○春○風○
樓○者○其○尊○人○孟○乾○公○之○所○創○也○孟○乾○一○代○風○流○
千○秋○命○賞○銅○雀○春○深○瑤○臺○月○滿○嘗○有○春○風○微○籟○

被之絃管。抽其景光矣。至今烟霞傍岸。猶疑綺障之施。鳬雀浮波。尚作清音之和者也。雲將屬余。所以記之。余見東湖之水。信乎吐吞城郭而噓吸風雲者。誰家別業。若個良工。祇似秦娥背鏡。孰映黛光。吳駟過門。徒看練影者哉。春風樓若爲東湖而設。而湖遂得爲此樓有也。層構旣崇。八窗自豁。堂前而華。房密而曲。集珠履之上。賓擁翠鈿之佳婦。玉杯範雪。銀燭擎烟。中無不有。外別一區。天井載浮。空廊受浸。樹勢半欹。苔

痕盡染。旣風生其薦爽。雖月晦而駐明。東西兩岸俱有長垣。亦官府之所築。乃爲我而隔市塵矣。西山逶迤而來。猶窺一抹。似露半眉。落日倒景。則出金翠之盛妝也。南面相對。其爲長隄。高柳者。杏花樓耶。雲日在杏花樓時。作燕支色。其在柳樹之上。依稀柳色也。東南水特寬。地勢若少缺。湖中島嶼有蘇公亭峙之。望此輒有無窮之想。余一夕與雲將汎小艇。問其處。西山霞氣蒸人中。流聞蕭鼓聲。渺渺自空墮。回視春風樓。

如○在○蓬○島○而○我○輩○已○神○仙○中○人○矣○

懶○仙○云○揮○毫○噴○彩○有○跌○宕○風○流○之○致○

重修醉翁豐樂亭記

葉向高

醉翁豐樂二亭皆以歐文忠故聞于天下余三過滁陽皆不成遊甲辰之冬以報滿道滁則仲山林先生長僕寺聞余來甚喜治具飲余于豐樂詰朝遊醉翁放于琅琊觴焉于是生平之心艷神往以爲不了之願者至是而始償顧其山童水涸求所謂林壑之美蔚然而深秀者差不逮于所聞亭之翼然者寢以頽釀泉之潺然者寢以湮塞而不治也心竊嘆之州守盧君方

謀修葺而未竟。其明年余復至留都。仲山先生
則以書告余曰。吾頃者再遊醉翁矣。是非與子
同遊之醉翁也。吾視其途徑甚除。其若堂若閣
若祠。無不飭者。其泉之翳鬱者。濬而加香。且護
以周垣。母使滓穢矣。其梅之手植于文忠者。若
增芳妍。其亭之爲見梅者。則以舊牆之障礙而
鑿之。甬之門而樓之。其池之環亭者。疏泉注之。
母使虞涸。又周爲石欄。可倚而臨池。且望梅也。
其循池東折復南而爲皆春亭。業已久記。則撤

而新之。榜之曰山高水清。又決池水環之。復注
爲半池。如玦如鉤。疏而爲澗。可以流觴矣。其餘
力之及于豐樂者。輪奐奕然。可以覽憩。凡此皆
守君之畫也。其木石傭作之費。爲金百。而醉翁
居十之八。公帑民間不費一錢。凡此皆守君之
捐也。夫吾與子之遊。于今半載耳。而景象之異。
至于如此。吾恨不得與子載酒其間。共賞今日
之勝。願吾子記之。余惟自元祐以前。琅玕之山。
川寂寥無聞。至文忠而始著。自文忠以後。琅玕

之山川雖著久而漸以圯廢。至今日而始復計。其時世皆當國家熙隆久道化成之日。良爲不偶。顧方宋之盛。滁介江淮。舟車商賈之所不至。其民得安于畝畝衣食以樂生。送死守土之臣得因民之樂以流連于名勝之區。而脫然于風塵鞅掌之外。固亦其地使之然者。而今日之滁則南北冠蓋之所經。中使之所騷。驛其民困于徵發而失其本業。蕭條窮苦無以爲生。爲之長吏者亦日奔走逢迎。束帶折腰。經營厨傳之不。

暇而暇及于山水之樂。又使其民從之遊而樂乎。蓋其時勢之不同。有如此者。守君日夜孜孜。拊循其疲民。而與之休息。故其民雖病而有起色。雖勞頓困蹙。而常有寬然自裕之意。而守君因得以其暇隙。追訪名賢之故蹟。而復其舊觀。使滁之人。偃僂提携而往遊者。幾若文忠之盛。以今程管其難易。不十倍哉。而文忠爲守。雖日以蒼顏白髮。頽然于兩亭之間。不聞其時有如林先生者。以一代名流。從容覽眺。以共增山川。

之重。是尤守君之可自詫于文忠者也。獨余荒
陋之辭。無能望文忠後塵。是爲愧守君矣。

懶仙云。新意顯之。舊意微之。自我作祖者。極
意瑾瓏。祖述前人者。更加蘊藉。二亭已爲前
人著美。此文只須如是蘊藉。

五岳園記

焦竑

若夫排層空○駕遙峰○高出星漢之上○坐馳人寰○
之表○五岳之奇○乃天設也○然亦有基累九成○雲
峩百里○極玄功以壯址○殫山林而崇構○此所謂
玄區得之神匠○大地繇乎心造○非夫曠覽之士○
忘懷畛域之中○得意形骸之外○惡能與於此乎○
榆林杜日章○今之名將也○杜自蘧侯清靜○績最
晉陽○元凱淹通○胸藏武庫○君起近代○實亢厥宗○
夙以貂蟬之英○抗煙霞之志○乃國恩縻之於前○

家聲系之於後。青山白雲。常在夢寐。因嘆曰。羊
祐日遊峴首。吾未之暇也。築土以象東山。吾其
爲康樂乎。於是五岳草堂作焉。庀工程力。疏鑿
控會。不易舊區。別成遠趣。南曰峒嶺洞。金簡玉
牒。髣髴見之。象衡山也。西蓮花庵。三峰縹緲。象
華岳也。草堂之前。鑿石爲池。曰天中館。象中嵩
也。東北迤西。曰蓬玄閣。太乙樓。二翼八山。吞吐
廻合。象岱恆也。總之怪石森列。或立或仆。堆阜
竅穴。委邃突怒。夫以宇內名山所推者五宗。炳

圖而不能遊。李固遊而未能盡。君乃千巖萬壑。覩縷簇縮。一瞬而得千里。一拳而當五山。坐使幽遐環詭之觀。不鞭而來。無脛而致。斯已異矣。或曰。君駕四牡。鏘八鑾。所至變氛。稜爲祥光。馘梟獍。無留跡。方將立會。表於高阜。敞和門於大荒。令若敖慙其六萃。蚩尤鋤其五兵。洸洸乎。懾穹廬而震高闕也。胡區區一丘一壑間哉。余應之曰。沈滯者志壅。恬曠者業弘。况乎留連觴詠。寓兵機之淺深。指畫山川。得地形之要害。潛養

而深畜。必此階之。異日者獻凱雲臺。飲至宣室。
紫綬曳地。金印如斗。卽謂茲園爲君之土山峴。
首其亦可也。是役也。其用雖小。所明者大。非今
紀之。曷示後人。

懶仙云。向子平待婚嫁既畢。勅斷家事。後遊
五岳名山。不若宗少文圖壁臥遊。澄懷觀道。
之爲適也。杜將軍釋兵戎而樂丘園。不以世
務爲累。可稱方外司馬。

也足亭記

陶望齡

吾越多崇山環溪植多美竹每○其○山○爲○峭○衍○上○
下蒙密延袤○逖目未已○大溪潢然○
予恒時常樂觀焉○其他羅生門巷藩○間者○雖○
畦畹連絡○以爲窄迫不足遊也○然樵客牧叟嬉○
翫於山溪者○日飽其蔭○亦猶以爲門巷間物○或○
聞賞譽輒更詫笑○而予北來涉淮○問其人○遂絕○
不知有竹○又二千里而抵京師○則諸名園爭珍○
植之數榦靡靡而已○朱晉甫齋後有兩藂特盛○

予數飲其下。輒裴回不能去。因自嗤物以希見貴。竹不寶於越而寶於燕。固然而予與晉甫皆越產。夫亦好其爲燕之竹耶。將越之人固亦有知好竹如吾二人者乎。然予向之所欲意必之乎深箐廣林。縱觀其苞山懷溪之勝而後厭。今晉甫有數百竿而已。據其最勝。吾從之快然焉。然則物之豐約與情之侈嗇。其何常之有。居無何。晉甫卽隙地亭之。取宋人語。顏之曰也足。語予曰。吾日左右於此。君也展膝袒坐。身足其蔭。

聞而聽之簌簌然風足於吾耳良夕月流疎影
交砌反著壁上層層如畫足於吾目耳清目開
脫然忘身趣足於心口不得喻客能來者觥籌
時設嗒然相對與我皆足子嘗登茅山窮天姥
而觀於竹者信侈矣當其所得亦奚以加於我
且吾子之有好於是也必爲我記之予曰子之
言甚近于道知道者有所適而無所繫足乎已
也殆將焉往不足哉今夫川巖之奇林薄之幽
是逸者所適以傲夫朝市者也耽耽焉奇是崇

而○惟○慮○川○巖○之○弗○深○幽○是○嗜○而○惟○憂○林○薄○之○弗○
邃○斯○未○免○乎○繫○矣○凡○繫○此○者○不○能○適○彼○必○此○之○
逃○而○彼○是○傲○是○繫○於○適○也○以○適○爲○繫○者○其○不○能○
適○也○迺○等○晉○甫○釋○夫○世○俗○醜○麗○之○好○而○放○情○乎○
詩○書○處○朝○市○之○囂○雜○而○有○林○臯○之○趣○其○於○竹○宜○
有○契○者○至○夫○軌○尚○超○絕○而○又○解○其○膠○固○寄○於○物○
而○不○繫○焉○視○彼○數○竿○富○若○渭○川○之○千○畝○而○有○以○
自○足○此○吾○所○謂○近○于○道○者○也○某○之○有○意○於○斯○道○
久○矣○把○臂○入○林○晉○甫○其○尚○教○之○

懶仙云王子猷愛竹○嘗寄人空宅○便令種植○
或問暫住何煩爾○子猷笑謂何可一日無此
君○今石簣晉甫注情於燕京○殆與子猷有同
好耶○

扶邪

○

昔今不實晉甫書靜休燕京錄與子籍亦同

○

左開晉封阿賊領午籍笑隋阿下一日無此

附錄云王午籍受外晉書人空空阿今野此

媚樵亭記

王思任

始余之構通明亭也。有樵至止。悅焉。數相過。自許也。吾亦悅其一二高話。從千仞岡來。悅其有蓬髯而無蓬心。悅其戟手交股。坐我于栗陸栢皇之上。亭成矣。而樵不來。併道不出此。樵亦奇怪矣哉。意者天遇而人求之。日鑿混沌之竅。朝看麋鹿之羣。樵不能我忘。而遂忘我耶。我知之矣。始余之構通明亭也。水石與居已耳。而且追琢之。丹雘之。標榜有加焉。樵以爲飾且陋。宜其

擲我而不來也。樵乎。而且來此。亦何與爾我事。
夫所謂追琢丹雘者。吾以之祀白榆者也。白榆
亦而家之所欲種者也。今吾檢楮拙判槎枿誅
茅編蒯以亭爾而來。仍戟手交股也。吾詢爾山
無虎乎。桂無蠹乎。松無有辱封號者乎。溪雲白
乎。泉月清乎。換魚沽酒醉幾參矣。夕陽牛笛聽
幾闌矣。樵乎。母以蘇秦縱橫也。諺有之。知性者
可與同居。蔡宜藻鷗宜笑。爰居宜遠。鍾鼓還子
亭之樸。而相遲相望。今而後樵也。其來乎。然而

稽○山○籬○落○地○儀○圖○之○絕○無○知○者○又○不○欲○留○姓○氏○
樵○乎○何○人○哉○或○曰○此○古○石○戶○雲○隱○之○流○博○大○真○
人○也○偶○來○遊○戲○覺○子○肩○睫○間○有○猜○則○入○山○樵○恐○
不○深○矣○焚○索○之○而○不○可○得○矣○有○是○哉○王○子○瞪○目○
哈○歎○窅○然○若○有○喪○焉○久○之○曰○吾○失○矣○吾○失○之○矣○
夫○樵○仙○人○也○

懶○仙○云○被○褐○之○品○高○孝○先○之○跡○奇○雲○溪○東○湖○
之○節○貞○皆○樵○中○之○異○人○也○若○夫○作○會○稽○守○獻○
明○堂○圖○者○非○其○倫○矣○操○斧○負○擔○丁○丁○白○雲○深○

處此余之所心慕而願從其後者○當從
薩菴亭側候之○

玉版居記

黃汝亨

鍾陵民儉境以內山川城郭半蕭瑟絕少勝地
可眺覽獨城南山寺名福勝者去城里許徑窅
而僻都無市喧惟是苔衣樹色相映寺殿亦淨
厰可坐前令於此集父老或諸生五六輩說約
講蒔而寺以後方丈地有修竹幾百竿古樹十
數株爲松爲櫟爲樟爲樸爲蠟爲柞爲楓及色
萇細草間之四面墻不盈尺野林山翠葱蒨蒼
靄可鬱而望六月坐之可忘暑清風白月秋聲

夜色搖搖墮竹樹下間以吏事稀少獨與往還
覺山陰道不遠亦自忘其吏之爲俗借境汰情
似於其中不無小勝因出餘餒命工築小屋一
座圍櫺窗四周牕以外長廊尺許帶以朱闌干
薙草砌石可步可倚最後隙地亦佳覆樹似屋
據而坐亦近乎巢樹鑿坏之民而總之以竹居
勝卽榜竹爲徑題之以小淇園顏其居曰玉版
里父老諸生未始不可與集高客韻士與之俱
更益清遠間覓閒孤往亦復自勝不佞令此地

無善狀。庶幾此袈裟地片居爲政林下者云爾。
已矣。昔蘇子瞻邀劉黹之參玉版和尚。至則燒
笋而食。黹之覺笋味勝。欣然有悟。蓋取諸此也。
寺僧一二每見多酒態。不知此味。子瞻亦不可
多得。嗟乎。情境曠眎。雅俗都捐。亦烏知世無子
瞻。玉版其人也。別一石刻玉版居約戒殺戒演
戲戒多滋味戒毀牆壁籬落砍伐摧敗諸竹木。
願後來者共呵護之。有越三章者。不難現宰官
身而說法。工竣爲壬寅秋九月。

懶仙云子猷徑造竹所獨往自勝正不須七
賢六逸與此君相呼引也

硯北樓記

袁中道

萬曆庚戌夏中郎請告歸楚卜居沙頭得敝樓
葺之名之曰硯北予問其故中郎曰晉通人段
成式云杯宴之餘常居硯北夫人生閒適之趣
未有過于身在硯北時親韋編者也我嘗居柳
浪六年日擁百城卽夜分猶手一編神甚適貌
日腴及入宦途簿書鞅掌應酬柴棘南北間關
形瘁心勞幾不能有此硯北之身今幸而歸矣
中年以後血氣漸衰宜動少靜多以自節嗇山

水雖適。跋涉亦苦。此亦宗少文築室江陵。息影
卧遊時也。然而寂處一室。又未能卽效寒灰古
木之事。勢不能無所寄。以悅此生。柳下之鍛。叔
夜所以寄也。吾不堪勞。麴蘖之逃。元亮所以寄
也。吾無其量。白雀何常之調。戴仲若所以寄也。
吾不解操。若夫貯粉黛。敎歌舞。以耗壯心。而遣
餘年。往時猶有此習。今殊厭之。晉裴公美一生
醉心祖道。而晚年托鉢歌伎之院。自云可以說
法度人。白樂天亦解乘理。至頭白齒豁。時携群

粉狐往牛奇章宅中鬪歌有何好而自云天上
人間無如此樂雖云遊雲幻霞無所汚染然道
人自有本色行徑湯能沃雪雪盛湯凝火能銷
冰冰強火滅出水乖蓮花之質切泥損太阿之
鋒以此爲寄是以漏脯止飢白雪已濁也吾必
不爲然則吾之所寄體惟此數千卷書耳陶弘
景謂人生解識不能周于天壤區區惟恣五欲
實可媿恥掛冠神武遂居積金澗之松風閣孜
孜批閱此吾師也往周旋龍湖老子見其老不

廢書。人或規之。老子曰。他日青蓮池上。諸大士
媿媿豎義。我以固陋。張口雲霧。此幾許苦痛事。
人以爲譴。吾寔心佩其言。今而後將聚萬卷于
此樓。作老蠹魚遊戲題。蹊興之所到。時復揮灑
數語。以疏淪性靈而悅此硯北之身。吾志畢矣。
吾計定矣。此余命名意也。弟其爲我記之。予曰。
諾。遂退而次其語爲記。

懶仙云。深于書卷之趣。言之津津。硯北之樂。

真可傲南面王矣。

江峰閣記

陳函輝

縣治中向未有閣。閣之自小寒山子爲令始。縣以江爲名。然四周相去不啻數里而遙。又限之以阡陌。圍之以墉闌。雖憑欄極目。江不可得而見也。所可見者。江上諸峰。探髻窺人耳。古之君子登高作賦。望遠懷人。往往窮其耳目之所至。用以舒嘯而寄慨。每求異代陳跡。荒丘故壘。悲歌徙倚而臨之。故過大梁。如見侯生。登廣武。如揖劉項。其胸中皆有所存出而與山川相敵。煙

想見胸中磊落處

雲相盪非苟焉已也。蘇長公凌虛臺記以爲在
終南之下爲不見山。故築臺焉。夫爲見山而必
築臺以求之。此其人決非俗吏可知也。若然則
揮毫而吟。倚柱而笑。搖塵尾以酬清論。移胡牀
而就芳樽。於以集賓從。消燕閒。遂足以盡茲閣
之用。而攬江山之勝乎。曰殆非也。江自岷峨發
源。逶迤萬里。而始至於海。天險地利造物者蓋
默設之。以劃限南北。是符氏之所不能投鞭而
佛狸之所不能飛渡者也。此地在三吳。則爲門。

戶在留畿則爲喉吻在淮揚則爲股肱往日萬
家之聚孤懸巨浸中猶垂偏霸者之涎而來竊
據者之睨矧今西北一線滄桑改易假令中原
有事戎馬生於郊二三百里中平原曠野無深
溝可限無高壘可憑譬如一人之身旣舒臂以
當豺虎之衝復坦胸以當箭鏃之集危乎不危
乎往物力盛時舳舻場大開舳舻畢集遠而蜀賓
百濟近則閩粵膠萊百貨津通商旅饒樂今海
道梗塞厲禁霜嚴滌惡不禁其外輸狡憚每肆

留心斯世有用學術

其○傍○瞰○兼○之○離○竈○失○業○萑○苻○伏○叢○三○里○之○城○僅○
栖○蛋○聚○無○組○練○可○習○無○鶴○鷺○可○擁○危○乎○不○危○乎○
且○也○杼○柚○告○空○剡○瘡○難○補○徵○調○四○出○及○瓜○而○遠○
成○未○還○刮○索○時○聞○計○畝○而○算○緡○時○溢○逋○亡○久○而○
未○復○追○呼○急○而○不○應○卽○爲○之○長○吏○者○經○年○罷○給○
餐○俸○倖○舍○每○嘆○無○魚○則○登○斯○閣○也○惟○有○瞿○然○慮○
黯○然○愁○皇○皇○然○認○以○爲○籌○筆○之○驛○籌○邊○之○樓○卽○
江○山○清○麗○終○日○到○眼○猶○不○能○挹○其○秀○分○其○翠○也○
况○乎○簿○書○圍○繞○鞭○杖○喘○吁○或○終○日○無○一○飽○之○時○

或終夕無一枕之熟而高齋畫棟可以收雲氣
而延眎日夕月之餘暉其於令也不幾於揮鞭
過客之視逆旅乎然則是得已之役也何不巳
諸○曰○吾○嘗○思○古○人○矣○昔○諸○葛○孔○明○好○治○官○府○次
千○里
舍○橋○梁○道○路○所○至○營○壘○井○竈○廁○園○籓○籬○皆○應○繩
墨○卽○一○月○之○行○不○改○其○初○蔡○凝○自○中○書○遷○晉○陵
更○令○左○右○修○治○故○廨○謂○賓○友○曰○度○來○者○無○勞○此
其○人○豈○好○勛○惡○逸○糞○土○財○用○而○以○博○一○瞬○之○歡
適○哉○春○秋○諸○大○夫○每○行○軍○按○律○好○以○暇○整○相○尚○

郭有道所過旅舍。雖一宿之暫。必灑掃潔塵而後去。度葛蔡兩公之意。庶幾在此後之登斯閣者。徘徊。江天峯影之間。俛仰古今人物之感。庶不以余爲多事也。

嬾仙云。古人作記文。每于小處見大。况此閣寔寔有大關係處。而以飲酒遊山了其事。可乎。此篇反復低回。先憂後樂。環集心眉。岳陽樓記。不得耑美于前矣。

領珠亭記

梁雲構

余于客歲孤處于此。且三閱月。明發在念。蓼莪生愁。景會偶觸。不覺泣數行下。而形且阨然。而影且跼然。而興且索然。更何心于吟嘯哉。今予之與宗泗來也。而予之沉疴已洗矣。乃灑耕雲堂。復陳書畫。其東闢地闊丈許。索土爲臺。其前疊石爲山。其左右曲輒爲檻。名其臺曰嘯雲山。曰玉龍。余與宗泗馮檻而觀焉。自謂藐姑射不如也。堂之西。鳩匠爲曲房以通內寢。其中又小。

構一室。大如斗。許題之曰愛廬。實古籍其中。青
萍綠綺。縣之壁上。軒窗窈窕。几上有石一拳。甚
聳秀。礪礪有若干仞。旁有博山鑪。熱龍涎其內。
篆煙裊裊。有若在雲霧中。予興少至。按徽一撥。
不問其韻。不韻也。拔劍一舞。不問其術。不術也。
再西。舊有一孔道。稍除治之。亦僻亦靜。其盡處。
欲結一茆。榜曰別有天地。而今尚未也。荆扉雙
開。有一樂地。松蒼栢古。苔厚草深。中有一亭。故
張氏之遺也。顏垣蝸篆。歸然林莽中。幾經風雨。

不能殘破。已酉予葺茅覆其上。再潤其制。爲幽
欄曲徑。命童子莳花種蔬。堦前之草不除也。其
南又築一臺。狹而長。可迂步而望。蔗蓂焉。有
危石一片。目之曰小飛來峰。亦時可寓目者。臺
之東治隙地一區。將以構鳳樹館焉。而今尚未
也。予與宗泗偶讀倦。輒拋卷而來。唱于唱。喁形
踪兩忘。或飲濁酒數甌。或歌唐音數章。以放浪
身世之外。醉則倚頷珠之亭。相顧而笑。問其所
以笑。二生不知也。旁人亦不解也。每於此際。覺

吟興勃勃。染翰一揮。僅以自鳴。其天籟初非有意爲詩也。隨所污之紙。投之瓢中。不數日滿矣。予曰。古人書蕉之事。千載以爲美譚。旣無蕉葉。敢質之楮先生。先生曰。諾。我其爲爾記之。

懶仙云。李青蓮留題象耳山云。月下臥醒。花影零亂。滿人襟袖。疑濯魄于冰壺也。讀是記亦如是。

花棒閣記

朱徽

距城西南可里許有古禪林曰福勝寺寺頗宏
豁軒敞門廡迴衍殿宇巋然環城內外梵刹約
可數惟福勝最著殿後有園園多茂林修竹間
以杉松每入其中翠蓋攢天濃陰覆地龍葱之
景與夫清遠之韻襲人衣裾憇坐少頃頓覺躁
念消而浮情釋耳根既淨清風颭然衆葉齊鳴
竹參差互擊如戛琅玕與梵音鐸聲相雜當此
之時不復知身之在塵世也然則茲地非有崇

巒壘巘足供躋攀。非有廣澤平原。足寄遊眺。又
非有怪石奇葩。足延賞翫。徒以檀欒之態。膏晷
舒拂。蒼鬱之幹。盤錯偃仰。上逗日月。旁引風雨。
貫四時而不彫。亘昏曉而異色。往往增騷人之
幽思。而助雅士之逸韻。一往而深。不知其盡。則
寺之勝。惟園爲最。園之勝。又惟竹爲最矣。先是
武林寓庸黃公。覽其閒曠。闢榛蕪而構亭焉。命
曰玉版居。○風、流、雅、致每視事暇。輒角巾獨往。一觴一詠。自
謂不減古人。好事來遊者。競相標致。福勝之名。

益自茲始及黃公去幾二十餘年而棟牖傾圯
垣塹湮墮向所爲詩人墨客吟弄之處者乃盡
爲樵夫豎子所踐踏而不之惜林木踈落竹數
竿存耳今皖城石雲王公來蒞予邑民安俗阜
繼以豐年案無積牘圉無滯逮庭無猾胥鄙無
豪民邑中利弊無大小難易知無不舉舉無不
當者凡公所爲皆子孫久遠之計視邑事猶其
家事蓋如此而又以其暇日循黃公舊績葺其
廢壞增所未備於是乃卽亭後餘址相土度地

袤廣若干。深若干。庀材鳩工。構作重屋。周繚墻。壁與竹樹相虧蔽。下爲一堂兩室。令可宴息。上則窗櫺四達。以肆覽望。因命曰花捧閣。地不改闢。景則加新入其室。青濛四幙。如邃谷寒巖。冷泉鳴石上。幽光映互。登其樓。憑檻當空。臨軒納野。如立山頂。遠數雲飛。俯瞰木末矣。嗟乎寺之勝。以園。園之勝。以亭。亭以竹。覩斯樓也。傑出林表。若相待而成者。則其勝也。不又惟茲閣也哉。旣竣事矣。公曰。是不可無以守之者。乃廉得

一僧焉使居以守。旣而又曰：是不可以徒守，乃謀於博士高君。會餘貲爲購不易之田二十餘畝，山五十畝，付之僧。曰：如是，茲寺庶可以永永無虞。而吾閣亦藉以固。由是言之，凡公所爲，必邀於久遠之利而後止。信哉！是役也，桂、橡皆取之閒廢，稍益以瓦石之類，不侈不儉，不勞力不費時。起於壬申之季秋，落成於仲冬，皆本公指而屬博士高君經理之。竹頭木屑，無遺弃者。高君與有力焉。予嘗謂公與黃公材名文學旣前

後輝炳。卽公所以治邑之善政。與邑士民之所
以感公者。無異。召父。杜母。往往相符合。豈非玉
版花捧。共載以不朽者歟。閣成之明年冬。公且
以高等遷秩將去矣。而公治績之著于其土。與
漬于其人心者。詩人所以致愛護于甘棠。此
亦其一也。安可無說于此。乃爲之記。

懶仙云。紙上拂拂。時聞翠香。

兎柴記

董其昌

宋人有云士大夫必有退步。然後出處之際綽
如此涉世語。亦淵識語也。讀白香山池上篇。其
所謂十畝之宅。五畝之園。有水一池。有竹千竿。
有書有酒。有歌有絃者。實爲衣冠巢許之助。溫
公之獨樂。卒成謝傳之同憂。有以哉。今觀濟美
張黃門公兎柴記。其疏泉。劖石。經始。戊戌。去解
褐纔七年耳。已抗枕漱之思。及在掖垣。領衆正
稱耆宿。雖業在匡時。而尋盟之猿。雀手植之松。

桂○未○嘗○一○日○釋○於○懷○及○是○以○請○急○歸○而○喜○可○知○
也○嗟○乎○輦○下○貴○人○嬰○情○好○爵○驟○鐸○馬○通○之○外○別○
無○活○計○卽○迴○首○家○山○不○乏○平○泉○金○谷○亦○僅○付○園○
丁○筦○鑰○作○者○游○者○賓○主○誰○分○求○其○如○白○傳○之○飲○
一○杯○吟○一○篇○於○池○上○者○少○矣○况○能○左○伊○川○右○康○
節○著○書○談○道○煥○山○川○之○色○而○隱○起○華○夷○之○望○如○
溫○國○者○哉○是○在○兔○柴○主○人○矣○余○林○居○二○紀○不○能○
買○山○乞○湖○幸○有○草○堂○輞○川○諸○粉○本○着○置○几○案○目○
夕○游○於○枕○烟○廷○滌○煩○磯○竹○里○館○茱○萸○泝○中○蓋○公○

之園可畫而余家之画可園○大忘人世之家具
略相埒矣○獨世方急公而余能使世兼忘我是
爲異耳○

懶仙云○郭河陽論畫○山有可望者○有可遊者○
可居者○可居則更勝矣○以其能起人高隱之
思也○若茲兔柴經玄宰手○可畫可園○借以忘
世何不可○

綴舫記

陳元素

仲武汴園之西。有靜薰玄滌娛閒散賞之所。以綴舫爲名。介友人汪山民屬余記之。余詰其所。以舫言容。綴言德也。是園也。固以水奇。跨水結廬。汎若不繫。江潮海汐。趨集牖檻。遠楊柔桑。掩映萍藻。山民之仲氏遺民。目之曰魚行樹杪。人在鏡中。斯知其陸處而舟居也。已步之堂堂。妄呼以水閣。閣吮以廊而腰以室。室于閣若綴然。室二楹若舫然。舫言德。綴言容也。余謂山民氏

人履大地水輪載之無之而非舫也處易汎安
流也行難航驚濤也逆旅間津之筏久宅亦紼
纒之維也彼怖癖者風怒颿駛或風逆檣鳴輒
怵怵惴惴而善游者數能没人未嘗見舟而便
操之視淵若陵覆却萬方陳乎前而不得入其
舍此遊世之喻也凡外重者內拙彼聲膏艷灼
之途鉤金競射如乘敝漏蕩觴深之淵板腐膠
液長年三老看朱成碧眩易無主據舷覓壺其
有濟乎卽偉濟而神魄亦摧喪多矣夫江南北

之間。水陸之衝。樓船繞吹。飛輓百貨。日夜喧雜。市廛烟爨。塵塏腥膻之地。此真鉤金射者所不能一息寧。而仲武居之。獨闢數百弓。爲園借勝于水。取適于舫。此其意殆將虛舟身世而恬然于風波之外者乎。二民氏又翩翩風雅。仲武日與夷猶。嘯咏其中。吹洞簫。揖野雀。則赤壁之遊也。酒日茶鐺。黃庭在案。則茗雪之浮家汎宅也。問星博望之槎。醉雪山山陰之棹。而摩挲彝鼎。品定古今。則又可題之爲米襄陽書畫船。而舫之。

用綴之義。止園之槩。主人之韵。可以想矣。昔魏
芳林園。患無水。傅玄先生作翻車轉之灌水。今
仲武綴觴。乃狎弄潮汐。布衣之樂。不幾可以傲
萬乘乎。

懶仙云。人生浮游塵世。舉足皆風波地。常欲
卜居幽僻。傍溪臨流。舒嘯自得。力有不能。每
覽此記。令人有濠濮間想。

浣紗石記

王章

嘗讀史至越世家。載少伯入陶浮海。諸軼事。彼直去。將相如敝屣。而何有於一尤物。乃當勾踐薪膽之日。而少伯顧以陰符權奇。屬之賣薪女。女固施氏。居苧蘿山。其下蓋有浣紗石云。相傳是女浣紗溪上。而少伯巡行。媾之以叅吳。而因沼吳者也。嗟乎。羨里之釋。夫非女謁乎哉。而胡浣紗片石。獨以施著。則石不能重施。而施特貽石以重也。向使施第以朝歌暮絃。雲鬟月貌。流

艷當年而不足雪行成之耻於萬一則紅拂綠
綺已隨烟草腐而區區卷石安得與黃絹幼婦
之碑並垂不朽乎曹以純孝守經而抱石伸節
施以隱忠用權而浣石洗仇生歿不同其於君
父不可磨滅一也余居恆盱衡山水竊有意乎
其人而憑弔之不謂一行作吏輒授茲暨暨實
選目之所不競者而予則輾然喜曰是固少伯
所生聚教訓之區而予庶得以觀風儀法也意
亭蘿之阿必且佳木繁陰亭榭層折負者歌塗

行者休樹而騷人游宦相與題詠不絕庶千巖
萬壑擅勝千古乎迺從巡陌經行之餘勤蹇周
覽則索所爲佳木亭榭與三家村舍大率皆寒
烟荒阜耳而浣江環曲如帶潺潺汨汨橫浸一
石○石○可○數○尺○許○岸○芷○汀○蘭○覆○護○其○間○而○浣○紗○兩○
點綴綴多韵
字○千○載○如○新○嘻○滄○桑○壘○變○爾○不○見○蘭○亭○之○鞠○爲○
茂○草○鑑○曲○之○障○爲○石○田○而○是○石○也○猶○悠○然○無○恙○
將○無○生○聚○教○訓○之○靈○賴○以○收○功○而○顧○留○如○綫○於○
蘄○蘄○者○耶○然○則○思○少○伯○之○風○流○而○不○見○見○斯○石○

也。其猶想見少伯之遺踪歟。予吳人也。側常豔
娥江有烈女矣。而西子尤委曲佐其君以霸者。
安得以五日京兆而不傳其馨哉。是爲記。

嬾僊云。浣溪片石。尋娥江一碑作佐。曹以純
孝守經。施以隱忠。用權得芳洲。特筆拈出。確
是有正骨人。文。

杵葱堂記

翁吉燭

玉虛城帝子所治也。出芝葱。其葉葱。葉本葱。本
苗葱。苗花葱。花實亦葱。實也。仙家嘗杵之以煮
玉屑羹。非是葱也。則玉不爛。故其課葱田如課
紫芝田法。凡界人若能殮其蕊者。則隨所殮皆
能化而爲仙。一日諸仙玉羹會有雞窠愚老。竊
其蕊而噉之。堅如石。不可齒。相率而請于仙子。
仙子曰。若往月宮借玉杵。曰搗之三萬。始能糅
耳。於是渡廣寒橋。扣環而求。常儀常儀命玉兔

與之搗三萬而仍如故。則以仙子爲給也。再問
仙子。仙子曰。或以吳剛之斧。判之乎。復請之。吳
剛。剛與之斧。判之三萬而仍如故。愚老相聚而
涕曰。若輩不宜仙。得此蔥蔥而無以爲食。命耶。
緣耶。共拜而扣帝子。帝子曰。若持來見。吾當杵
之。各懷而至。帝子閱之曰。若非蔥也。次第而簡
之。持一葢曰。此益智花也。服之則聰明大露。將
吐若蛛網。以罩人。微纏不可杵。再持一葢曰。此
壯膽花也。服之則血性大旺。必角其心思。以與

人鬪蒙迷不可杵復持一葢曰此媚肝花也服之則神睡皆血情深皆氣且殷勤無一日爽疑惑不可杵又持一葢曰此銷骨花也服之則精耗髓滴口噤無所附麗輒孤如早乳犢飮薄無堪杵次後復持一葢曰此斷腸花也智益而過膽壯而惡肝媚而柔骨銷而脆腸安得不斷哉愚老驚而蹉躑舌若傀儡手提線索無所置處踈不能起帝子憫之乃曰吾有勾曲龍芝八天赤瑾草雜斯蕊搗之可成葱漿夫蒸王者將藏

其智睡其膽定其肝養其骨以續其腸不然雖
使吳剛代剉玉兔代搗仍一五石之匏耳縱鍊
千年火安能成羹愚老始相葉閱本勘苗比花
課實果相去遠甚歸而語雞窠人曰吾二次搗
葱三萬杵不如西瑤一點液也亟以其種種之
母爲人偷杵

懶仙云裴航飲雲英一甌漿覓卞老玉杵曰
乃能遇仙今人多妄想心腹漏精溢何由得
道雖擣杵百日未必成絳雪丹也此以婆心

烏有園記

劉士龍

烏有園者。餐雪居士劉雨化自名其園者也。烏有則一無所有矣。非有而如有焉者何也。雨化曰。吾嘗觀于古今之際而明乎有無之數矣。金谷繁華。平泉佳麗。以至洛陽諸名園。皆勝甲一時。迄于今求頽垣斷瓦之髣髴而不可得。歸於烏有矣。所據以傳者紙上園耳。卽令吾有園如彼千百世而後亦歸于烏有矣。夫滄桑變遷則有終歸無而文字以久其傳則無可爲有何必。

紙上者非吾園也。景生情中。象懸筆底。不傷財。
不勞力。而享用具足。固最便于食貧者矣。况寔
得箇中趣者有幾。窮則張。設有限。虛構則結撰無窮。此吾之園所
以勝也。園之基。憑山帶水。高高下下。約略數十
里。園之大者。在山水。園外之山。群峰螺粲。園內
之山。疊嶂黛秀。或橫見。或側出。或突兀而上。或
奔趨而來。烟嵐出沒。曉夕百變。時而登眺。時而
延望。可謂小有五嶽矣。山泉衆注。疏爲河渠。一
棹中流。隨意蕩漾。傲睨放歌。頓忘人世。穿爲池。

而滙者以停雲貯月。養魚植藕。分爲支而導者。以灌樹澆花。曲水行觴。淪其滯而旁達者。拔竹騰飛。集巖沾潤。剡木遙取。隔澗通流。此吾園山水之勝也。而其次在樹木。穠桃踈柳。以粧春妍。碧梧青槐。以垂夏蔭。黃橙綠橘。以點秋澄。蒼松翠栢。以華冬枯。或楚楚清圓。或落落扶踈。或高而凌霄拂雲。或怪如龍翔虎踞。葉栖明霞。枝坐好鳥。經行偃卧。悠然會心。此吾園樹木之勝也。而其次在花卉。高堂數楹。顏曰四照。合四時花。

卉俱在焉。五色相錯。爛如錦城。四照堂而外。一
爲春芳軒。一爲夏榮軒。一爲秋馥軒。一爲冬秀
軒。分四時花卉各植焉。艷質清芬。地以時獻。啣
杯作賦。人以候乘。此吾園花卉之勝也。而其次
在締造。飛閣參天。雲宿簷際。崇樓拔地。柳拂雕
欄。曲房周迴。戶牖潛達。洞壑幽窅。燭火始通。種
花編籬。香吹滿徑。插棘爲限。刺欲鈎衣。此吾園
締造之勝也。更一院而分爲四。貯佳醞。名茶歌
兒舞女者。各一焉。又一院而分爲三。貯佛道儒

三藏者各一焉。又一院而分爲二。貯名書畫古
鼎彝者各一焉。而又有兩花之室。衲子說空。碧
虛之閣。羽人談玄。加以猿嘯清夜。鶴唳芳晨。盆
草吐青。文魚跳波。幽韻勝賞。應接不暇。他如山
鳥水禽。鳴蛙噪蟬。時去時來。皆屬佳客。偶聞偶
見。俱觸天機。此又吾園人物之勝也。至于竹徑
通幽。轉入愈好。花間迷路。壁折復還。則吾園之
曲也。廣岫當風。開襟納爽。平臺得月。濯魄欲仙。
則吾園之暢也。出水新荷。嫩綠刺眼。被畝清蔬。

遠翠浮空。則吾園之鮮也。積雨堦墀。苔蘚斑駁。
深秋霜露。蒹葭離披。則吾園之蒼也。怪石如人。
雋堪下拜。閒鷗浴浪。淡可爲朋。則吾園之韵也。
孤嶼漁磯。夕陽晒網。烟村酒舍。竹杪出帘。則吾
園之野也。瀑驚奔雷。塵不到耳。藤疑懸綆。枝可
安巢。亭置危巒。升從鳥道。橋接斷岸。度自懸空。
則又吾園之奇而險也。園中之我。身常無病。心
常無憂。園中之侶。機心不生。械事不作。供我指
使者。無語不解。有意先承。非我氣顚者。望影知

慙○聞○聲○欲○遁○皆○吾○之○得○全○于○吾○園○者○也○吾○之○園○
○黃○梁○夢○醒○方○可○領○會○
不○以○形○而○以○意○風○雨○所○不○能○剝○水○火○所○不○能○壞○
即○敗○類○子○孫○不○能○以○一○草○一○木○與○人○也○人○遊○吾○
園○者○不○以○足○而○以○目○三○月○之○糧○不○必○累○九○節○之○
杖○不○必○扶○而○清○襟○所○託○即○几○席○而○賞○已○周○也○又○
吾○之○常○有○吾○園○而○併○與○人○共○有○吾○園○者○也○讀○鳥○
有○園○記○者○當○作○如○是○觀○

懶○仙○云○作○是○觀○者○能○空○諸○所○有○與○天○爲○游○者○
也○如○漆○園○學○術○只○在○人○情○物○理○上○透○來○南○華○

書○雖極澆瀆奇幻而不離乎宗○

偶園記

康范生

繇北郭門出有長虹跨江。吾邑所稱鳳林橋也。
踰橋而北沿河西行數十武則偶園在焉。○便○路○
環山一面距河左右古剎隣園多壽樟修竹高
梧深柳竹柳之間有小樓隱見者芳草閣也。據
高眺遠西山爽氣倍覺親人下臨澄江晴光映
炤從竹影柳陰中視之如金碧鋪地目不周玩
頃之有小艇穿橋東來掠岸而西波紋盡裂乃
知是水春霖積旬秋江方漲樓邊洲渚盡成湖

海游舫直抵檻下。門前高柳。反露梢中流。西山
百尺老樟。皆可維舟。攀枝直上。若乃雪朝凭欄。
千山皎潔。月夕臨風。四顧淒清。南望樓臺浮圖。
盡供點綴矣。繇芳草閣而北。爲江霞館。洞開重
門。長江在几席間。判以短垣。使波光玲瓏透入。
隣園竹高千尋。隨風狂舞。亂擁堦前。積雪壓之。
直伏庭下。睨見雪消。則以次漸起。繇江霞館而
北。爲蘭臯。深隱可坐。上有小樓。可眺北山。山下
平疇。百畝。寓目曠如。繇蘭臯折而西。爲夕欒亭。

開牕東向芙蓉柏栗諸樹頗堪披對距隣寺僅
隔一垣暮鼓晨鐘足發深省梵貝瑯瑯可從枕
上聽凡是數者皆名號僅存風雨粗蔽遂儼然
以偶園題之客有教余樓前鑿池池上安亭檻
內蒔花庭前疊石者余唯唯否否祖生擊楫陶
公運甃彼何人哉士不獲蚤庸於時寄一枝以
避俗藏身豈得已也且夫聖人不凝滯於物而
能與世推移一切嗜好固無足以累之坡老與
舅書云書畫奇物吾視之如糞土耳此語非坡

老不能道。非坡老不肯道。非坡老亦不敢道也。
書畫且然。况其他乎。園亭固自清娛。然着意簡。
掃○於○天○下○之○機○已○見○于○此○
飾未免身安佚樂。無裨世用。即其神明亦幾何。
不爲山水花木所凝滯哉。余之爲是園也。庶幾
弗爲吾累也。偶然而園之。亦姑偶然而記之。云
爾。

蓮鬚云。作畫須胸中有書。爲園須筆底能畫。
以予度嶺而北。所見惟蕭伯玉春浮園。蕭散
有林下風。鄭超宗影園。稱濠濮間想。其它率

臨邛富人供令客餽館耳。小范以真山水爲
真書畫寄意轉超。予得此記以秦城爲擇勝
亭。應接不暇矣。
懶仙云靖節詩長于丘園。有曠遠之風。然細
玩其詞。時亦悲涼感慨。非無意世事者。蕭統
所云篇篇有酒。而意不在酒也。小范以園爲
寄。而意不在園。是記其殆梁父吟歟。

酉陽山房記

陳弘緒

酉陽山房者。陳子自名其所藏書之室也。按盛弘之荊州記。小酉山石穴中有書千卷。世謂酉陽逸典。蓋秦人遺蹟云。陳子所藏。自尋常經史子集外。大抵近代著述。暨農圃醫卜稗官小說已耳。非有魯壁汲冢羽陵陶穴。環文秘冊。足怵心駭目也。名之酉陽也。何居曰。是則陳子之酉陽也。陳子生平無他嗜欲。聲色裘馬。間涉焉。而未嘗好。彝鼎玩器。法書名畫。好之而未嘗溺也。

好而溺溺而不復返。惟圖史爲然。雖其所藏。未
能如魯壁汲冢羽陵陶穴。顧世所稱說。瓌文秘
冊。笥篋中所不可少者。亦稍稍備之矣。則雖名
之酉陽焉可也。陳子家世清貧。無從得重貲。購
墳典家大人早歲頗留心焉。爲曹郎時。所入俸
悉以付之書。賈稍至萬卷。有奇。萬曆丙午。弗戒
于祝融。數十年來訪求于南北者。一夕之頃。化
爲灰燼。家大人進孺子教之曰。汝知之乎。夫物
忌多。嗜欲忌無厭。書者物之清妙。而嗜欲之靜

遠者也。多而無厭。造化且弗使爲吾有。况其他乎。予不肖。悚然于家大人之言。念凡物之爲我。有皆非我有之物矣。顧耽僻成性。弗克自治。數年來。頗違家大人之戒。好而溺溺。而不復返。如故。其所聚斂。蓋又多至三萬卷。有奇矣。雖然。吾安知今所有三萬有奇。更數年後。不又如向者。一夕之頃。歸之祝融乎。卽幸而不歸之祝融。安知吾子若孫。不棄之鼠蠹。畀之豪家大族乎。卽幸而吾子若孫。不棄之鼠蠹。不畀之豪家大族。

安知更一世二世數世不淪于烏有乎。隋嘉則
之三十萬卷焉而亡。唐乾元之七萬餘卷焉
而亡。宋弘文之二十萬卷焉而亡。彼以人君之
尊威殿閣之崇邃守之曾不能一瞬。况以陳子
之瑣瑣三萬有奇乎。其好而溺溺而不復返以
違家大人之戒。真惑之甚者矣。陳子曰。吾所藏
者。僅以自娛。他非所知也。夫僅以自娛。則此三
萬有奇。越于吾耳目之外者多矣。雖名其室爲
西陽焉可也。魯壁汲冢。羽陵陶穴。無庸問也。

曇隱云擁書萬卷何似南面百城士業真足
傲人○至其曠達之懷尤落落可想見也○
懶仙云聞二酉在辰州先朝有宦遊入洞携
書一卷出閱之已成片石○從此仙凡更隔迷
塞洞徑不知大道非人莫傳仙靈顯現有時
若得士業其人當與把臂入室何至榛莽莫
踪也○

[Faint vertical Chinese text columns visible through the paper]

過釣臺

沈中柱

僕以秋盡往信安候幼洪師道出桐川晚泊某
所去嚴先生釣臺數里忻然瞻眺之興惜舟子
以逆流堅拒不得遂其仰止私謂信安歸必當
信宿臺下攬衣而登弔先生之遺風已而師遲
予盤桓柯山山頗幽峭徘徊不忍遽去遂費旬
日之游乃得告歸預戒舟子必泊舟臺下無復
慨慕低徊深情如訴
如曩日之延佇而日影移午北風忽起挽舟不
能前及至臺之澚則山烟四合矣予欲秉燭而

上舟子云山徑細甚。暮夜不易別識。不得已而
遲之。詰朝夜將過半。雨聲淅淅待旦未止。顧視
瓶粟已罄。計無所出。悵然解維。不勝嗟呀。豈予
此生之終當沉溺俗土。爲先生所不容。故使予
再過其下。而不獲一訪其遺踪也。桐川之間夾
岸青壁萬疊。怪石奇峰。凌空而俯。溪湍迴激。水
石吞吐。舟背石子磊磊。四顧寂寂。罕覩屐履往
來。蓬舸相望。不過十計。款乃屢斷。猿鳥亦稀。惟
有風柝溪濤。潺潺空谷。蓋山水之極其幽邃者。

與信宿其渙。猶當消其鄙吝。息其奔逐。肅然見
吾心至虛至靜之本體。與絕壁幽溪之氣恍然
相通。况乎徜徉其巔。逍遙容與于朝烟暮靄之
際。孤立不倚。獨寤勿諉。其所得之深微。必有鬼
神不能窺者。而况于人。宜其垂象客星。絕地而
通乎天也。且夫有此桐川以來。幾人登山。幾人
涉溪。先生之外。何以無聞。大約功名富貴之士。
既不願寂默而嘯歌山水者。未能忘情于唱和。
鍊養性命者。將索幻侶于神仙。在吾心均爲有。

着○于○萬○物○皆○失○一○體○惟○其○先○無○確○乎○不○可○拔○之○
龍○德○是○以○邈○世○不○見○是○之○溪○谷○不○能○一○朝○安○處○
先○生○之○釣○于○此○非○至○此○而○後○成○其○先○生○也○胸○中○
位○置○蚤○已○闢○一○富○春○山○中○乾○坤○矣○雖○有○隱○士○高○
人○所○居○必○有○攜○手○之○友○其○後○必○有○名○山○之○藏○獨○
先○生○于○兩○者○未○有○聞○焉○其○默○默○未○見○之○精○神○豈○
可○尋○常○彷○佛○憑○弔○哉○臺○有○時○而○廢○興○山○有○時○而○
遷○溪○有○時○而○竭○先○生○默○默○未○見○之○精○神○亘○萬○古○
而○如○在○後○之○君○子○誠○能○屏○絕○嗜○好○歛○息○聰○明○刪○

寫○出○先○生○胸○次○

便是○隨○處○淨○土○

詩文之枝葉。闢外道之想羨。一意保任天性之
良。舒之懷仁輔義。以悅天下。卷之山高水長。以
風百世焉。往不儼在先生焉。往不寢息。桐川之
山水也。歸而求之。靡靡如搖。見其陋矣。
曇隱云。桐江風節。卓絕千古。此更寫出其本
領。學問深于內力之言。足與希文祠堂記並
壽。

上天竺藏經閣記

李陳玉

如○來○以○三○藏○妙○性○乘○大○悲○智○爲○無○所○藏○復○以○無○
所○藏○智○說○無○所○說○流○而○爲○藏○無○所○藏○故○無○密○不○
顯○有○所○藏○故○無○顯○不○密○其○爲○目○也○曰○經○曰○律○曰○
論○而○其○爲○指○也○不○過○聖○凡○同○體○曰○空○曰○不○空○曰○
空○不○空○三○者○而○已○是○故○人○有○寶○藏○佛○無○盡○理○四○
十○九○年○五○千○餘○部○真○巨○海○之○一○滴○而○大○虛○之○微○
毛○匪○凡○夫○不○能○窮○如○來○實○如○來○不○能○窮○凡○夫○者○
也○然○而○高○曾○規○矩○人○天○鉗○鐸○先○天○地○生○尚○有○青○

牛之訪處周秦後方來白馬之迎華嚴分龍宮
之一部首楞血波刺之全軀聞法如此其難護
法抑何其易則大藏所存法寶攸繫故非殊智
絕力鮮能辨焉武林天竺蓋南國之佛域也開
山於石晉時僧道翊者獲奇木肖大士像遠近
響應宗風代振至宋辨才主之始以教易禪寺
故有藏中更興廢遂未有以閣之蓋教之敝也
久矣有僧興美慨然念復嗟貝葉之委地念寶
氣之燭天而毘陵董公以大乘之器應宰官之

身來長浙藩顧盼生嘆捐退食之俸餘作如來
之一笠一以庇材鳩工之責付之興美於是上
爲重閣以安諸部下爲奧堂以安禪誦上焉肅
肅下焉雝雝上爲兜率爲七寶林下爲雪嶺爲
衆香國誦者便於披閱禪者便於靜觀誦者入
波斯園片片夜光是見佛佛各具一藏也禪者
入一真地大地黃金是又人人各具一藏也卽
茲爲教卽茲爲禪不必易也噫吾以是而知公
之用意深功德遠矣予以春官之役道出武林

閱湖山者兩月。遊屐所至。荒址茆堂。無非公之
芟除莊嚴。殆西湖之穀玉。而南天之金湯也乎。
所愧不敏。不足以讚嘆萬一。興美將公之意。命
小子爲文。故爲述夫藏之所由來。并志夫閣之
所由始。使知佛法難興。功德希有。當勤守先律。
丕振宗風。各自護其寶藏。以無負公之意耳。將
見乳竇盡呈。醍醐獅子。遍爲威吼。東澗西澗之
水。萬派歸宗。南山北山之雲。四天共布矣。是則
公之意乎。公名承詔。字聖臣。丁未進士。僧興美。

三竺之有行者不索記於巨卿而索記於予辨

才重子瞻之文風足述也。因爲之記。且系之銘。

銘曰

雪山老子老婆舌。爲愛兒孫許多說。雖然止啼
多黃葉。却爲兒孫困得徹。兒孫富貴寶藏足。應
念祖父風前櫛。五千遺文委草莽。長使天龍淚
欲血。稽首觀音大道場。音聲佛事千年烈。此方
教體固聲聞。老僧却須老眼遮。肉身菩薩自毘
陵。寶珠瓔珞無吝惜。裝成七寶無畏樹。光搖銀

漢三○玉○碧○願諸佛子坐道場○勇猛精進勿愛力○
獅子捉象○莫捉兔○寶山空手○非吾意○稽首觀音
大道場○百億觀音峰頭立○

懶僊云○粒粒牟尼之光○
斤青蓮之氣○

遊个崙絕頂洞天記

本名峴岩个音企

周之夔

秋日郭復之何君衡集董葱德孟溪齋頭早飯
後散步溪灣葱德因誇其个崙之勝各欣然欲
往沿溪行岸隤則跳澗石水潺潺遶足間魚游
晶影中可鑑亭午到个崙坐定山人獻茗峰翠
注射欲滴回望崙頂石壁坼裂老松奇木出頂
上若髮予語二三子曰其上必有異然道第未
除相與蹴蒙茸攀竹葦詣所望坼裂處鑄幽極
莫測循罅匍匐徑入果有洞兩崖擘天如線線

道○中○僅○可○仄○行○也○線○左○轉○仍○一○洞○竅○圓○吞○日○光○
仰○視○如○在○井○底○又○如○竹○筒○竅○壁○黝○碧○瑩○滑○不○可○
上○賴○古○藤○下○垂○攀○膝○齧○而○上○勢○如○猿○猱○出○筒○上○
得○石○頂○可○坐○百○人○望○海○一○面○頂○旁○別○石○湧○出○各○
自○爲○頂○扶○倚○而○立○然○坼○闊○不○可○躍○仍○從○筒○下○轉○
右○側○有○洞○線○視○前○更○窄○行○則○腹○背○俱○受○石○也○轉○
一○曲○中○乃○有○大○洞○廣○丈○餘○長○十○之○七○點○壁○上○如○
豹○斑○坐○久○窅○然○疑○有○神○心○動○而○出○轉○得○一○罅○線○
道○曲○折○光○如○繞○電○線○窮○處○一○石○筍○插○地○塞○洞○口○

曲折幽奧

筍兩邊鉅薄如長劍。根處微作斷紋。如劍首。從其間得小罅。如環循鑲中作蛇行而出。下視置劍處。峭地百丈矣。復穿鑲登洞頂。面如大鼓。旁石構架。乃向所望長松奇木。如頂上髮處也。前望大海。遠島出沒。諸澗奔流。如白練盤舞。從幽得曠。窮日月之所吞吐矣。予語葱德曰。此間當作小團瓢坐。隱呼吸。當與天通也。凡諸線道中。壁色蒼如玉。其頂豹額。有眼如欲搏人。半壁石凸如胸乳。人行不得。不用足掌。任踵趾擬而後。

敢置步。海外諸游以來。洞天之奇。曠險澀。未有
過此者。取故道下崙。天色已暮。賴星光螢火微
得草間路。然而秋蟲夾道。幽鳴響荅。如百部嚙
管相導也。時因董師將有留都之行。歸孟溪秉
燭草此。迫請一觀。以爲他日聚樂之地。當與百
洞竝勝也。因各分韻爲詩。

記○ 嶺仙云其致杳渺其神寥泝○ 絕似柳州山水

遊岷記

姚希孟

山水相錯間有蛟有瞳有岷其蜿蜒入湖砂上
成堤如渴虹飲澗者曰岷方言也十九日渡柯
家嶺回首青林一抹插入湖濱楓葉間之濃于
縹緲間同遊者曰岷也是夕抵長壽昏黃矣遊
需月上擬步往山人鄭季真言登陟屢穿且重
趺矣舟可汎也掉小艇載月而行時秋水初落
灘頭多礫相携陟岸有夏禹廟頗嚴整以報底
定功宜爾惜林木翳月樹頭紫綠萬狀蒼茫一

色而澄湖又隔樹外遊未快也擊舫中流隨月
光所漾乘波來往忽見一石坡大畝許上有石
壁陡削者窈窕者矗峙而竅其胸劈其理者與
木蘿松鬣皆昂首磔張作山鬼搏人狀余大詫
奇絕乃縱步坡陀上石初出水歲受激磬脂滑
無芒距行不留跼湖沙淨膩踐之如文茵余輩
騰亂石上或騎其項或跨其脊戲笑爲適黃生
曼聲爲吳歛山僧淪茗代酒各有致坐久月逾
皎輕烟縷霧與水上遊絲紛射疑在水晶鮫宮

天風徐來又忽忽欲颺去銀波雪濤之間素鬼
動溶綴若貫珠長如浮圖觸昧成象恍惚復失
大抵實境似夢中醒境似醉中塵世境似仙島
中李青蓮與崔宗之衣錦袍汎采石固千秋豪
舉夢蝶御風率爲寓言若卽景迷離疑真疑幻
千古惟子瞻夜半赤壁時今何幸類之還舟徐
徐行又得一石巉巖灌木俱相類其幽絕奇絕
多朦朧不甚了了月夜之遊勝于白日正以此
從來遊洞庭未有及歸者卽余此遊亦非料簡

所及然非月夜不奇。卽月夜而非卒然解后。神
與境合不大奇。後有尋途問涉者。得毋嚼蠟哉。
姚子曰。世所謂仙者。了不異人。不過月皎風清。
渡瀛海。登曾城。以驕眎塵樊耳。若吾輩時時作
此游。游時時歷此境。囂。惊。旣。滌。穢。形。可。捐。便當
拍洪崖之肩。躡浮丘之迹。何用海上三神山。及
不歎大藥哉。試問奪予而去者。伊誰辭。仙不居。
何故厭樂。耽愁。猾。猾。以老良可歎也。是夜同遊。
爲門人黃虞山中鄭季真長壽僧修已水月僧。

誠如華山僧定水從行僧淳如此數人者又赤壁二客所深妬也

懶仙云先生洞庭諸記平章山水真天地大文若崑尤遊屐之所未經者是記獨闢一奇石靈威丈人未發之秘簡歟

黃山記

凌 駟

山去歙百里。爲軒轅煉丹處。浮丘容成兩公。從
於斯。深奧曠險。異人代隱。姓氏莫殫述也。路百
里。皆躡級以上。故山爲江南絕高。以新安原處
高域也。而蓮華天都兩峰。更雙柱屹立。撐出雲
表。山皆石骨。而無膚土。壁皆懸突。而無夷徑。樹
皆屈結。而無伸亭。水皆澄淨。而無洪波。草皆氤
潔。而無雜息。僧皆朴慧。而無凡習。春花香而衆
秋雲迷而奇。夏含霜雹。冬隱雷龍。滴勢變狀。因

類○獲○稱○有○峯○與○巖○洞○源○溪○泉○石○共○名○者○爲○硃○砂○

以○後○如○讀○昌○黎○畫○記○指○算○莫○盡

有○峯○源○溪○共○名○者○爲○浮○丘○爲○雲○門○爲○石○門○有○源○

泉○溪○共○名○者○爲○湯○有○源○巖○溪○共○名○者○爲○阮○公○有○

源○溪○潭○共○名○者○爲○白○龍○有○峰○洞○源○共○名○者○爲○翠○

微○有○峯○洞○巖○溪○源○共○名○者○爲○九○龍○有○峰○溪○共○名○

者○爲○容○成○爲○丹○霞○爲○松○林○爲○紫○雲○有○源○巖○共○名○

者○爲○龍○鬚○有○溪○泉○共○名○者○爲○香○有○源○溪○共○名○者○

爲○丹○泉○有○源○洞○共○名○者○爲○百○花○有○峯○洞○共○名○者○

爲○仙○人○有○峯○源○共○名○者○爲○仙○都○爲○布○水○有○峯○源○

爲○仙○人○有○峯○源○共○名○者○爲○仙○都○爲○布○水○有○峯○源○

洞共名者爲蓮華有峯源石共名者爲基石峯
有獨名者爲天都爲青鸞爲紫石爲鉢孟爲獅
子爲石人爲雲際爲疊鄣爲軒轅爲上昇爲清
潭爲望仙爲聖泉爲石柱爲石牀爲雲升爲芙
蓉爲飛龍爲彩石源有獨名者爲香谷爲採藥
爲擲鉢爲香牀爲白鹿爲乳水爲陰坑爲紫烟
爲紫芝爲石壁爲百藥爲石室爲紅木爲杏花
爲黃蓮爲栢木爲白馬有峰源潭共名者爲煉
丹溪有獨名者爲洗藥爲白雲爲曹公爲錦魚

縱橫○星斗亂○

爲青牛。爲紅泉。爲飛泉。爲榆花。泉有獨名者。爲
錫杖。爲瀑布。爲千秋。爲鳴絃潭。有獨名者。爲清
有峰源。溪潭共名者。爲桃花石。有獨名者。爲馬
跡。爲雙龜。爲杵臼。爲龍吟巖。有獨名者。爲石龍
爲滴水。爲虎頭。爲猿猴洞。有獨名者。爲仙登。爲
錦霞。爲水簾。爲駕鶴。爲藏雲。溪洞有共名者。爲
絃歌。凡計其巖有八。潭有三。泉石不及巖一。洞
十有二。倍洞爲溪。合溪與洞爲峰。源之數亦如
峯數。然有一峰而獲數名者。有數峯而獲一名

忽鎖忽接章法奇絕

者有峯而不獲名者有獲名而不與三十六峯之數者大抵黃山高廣險巖約之爲三十六峰。析之爲三百六十峰。再析之有三千六百三萬六千峰。溪源泉洞巖石數皆如是。其可登而入者。則煉丹硃砂獅子蓮華石人軒轅九龍翠微石牀飛龍彩石鉢孟十二峰。其可望而不可陟者。則天都青鸞紫石桃花雲際疊鄣浮丘容成仙人上昇基石雲門石柱布水雲外十五峯。其幽匿而并不可望者。則芙蓉紫雲松林丹霞石。

門清潭仙都聖泉八峰。而溪源泉洞巖石亦與
峰類。游者多目貪心悖。如大將軍擁百萬師。徼
功塞外。有逾險逾壯之致。上蓮華峰時。有僧顧
余曰。衲遊天下名山多矣。奇松怪石。惟黃山獨
擅。此四字真可作我山畫譜也。曾讀吳船記。范
成大登上清。遠望雪山萬里。極譽其高峻奇幻。
余未知上清若何。恐此山未許度越矣。雨中宿
指月菴。聽僧景賢說山中事。深山中有瑞光一
日。飛雲如雲片。冉冉從山頂飛渡。一日串雲圓
如佛珠。索索如串。一日攝身光在對岸。照徹若

鏡久居山者亦不多見。暫遊者往往遇之。復有數峰。霽天遠望。則疊複不辨。有時雲鋪如海。其峰始見。一名雲際峯者。濃雲濁浪。障蔽無崖。矯牙一尖。遙標海外。是曰雲際。一名雲外峯者。衆嶺淹沒。獨彼半峯浮出雲上。是曰雲外。一名布水峰者。逶迤蜿蜒。飄曳如練。一名上昇峯者。觸堅雲湧。起伏無定。遙覘其峯。反若上舉。如此數峯。非雲鋪滿海。不可辨觀。及至光明頂。雨况不解。遂草率過丞相原。故海中區與領取未盡。余

嘗謂山水姻緣等於婚媾遲速多寡不可強也
曇隱云是一幅烟江疊嶂圖
瀨仙云捫星辰而上天挾虬螭而入海峻拔
雄奇自非尋常人製作

遊虎丘記

錢應金

千古之上有吳。千古有此虎丘也。吳王闔廬，鏤神磨骨，葬於茲丘。而蹲虎雄之。茲丘遂以雄千古。乃吳王不常有，而茲丘眈眈虎踞，壁立於空。青鈍碧之間，光景出沒，令千古之下感慨而想見吳王。山河如故。吳王業也。樓臺峻嶒。吳王宮也。左歌吹而右窈窕。吳王宴也。川林花鳥。吳王之所嘯遊也。落松陰陰。吳王隧也。然而谿雲初起。海日乍遲。千人月下。萬嶺雪時。此時吳王安。

在○則○竟○不○有○吳○王○矣○嗟○乎○千○古○之○下○有○虎○丘○千
古○遂○無○吳○王○也○嗣○是○而○變○爲○夫○老○苔○蘚○劒○割○吳
王○怯○矣○嗣○是○而○變○爲○生○公○活○石○玲○瓏○吳○王○愚○矣○
嗣○是○而○若○韋○若○劉○若○白○翩翩○五○馬○吳○王○勞○矣○嗣
是○而○若○王○若○睂○山○山○川○映○發○吳○王○俗○矣○然○則○吳
王○真○歟○矣○雖○然○吳○王○之○世○誰○爲○生○公○而○唐○晉○諸
人○以○下○不○至○今○知○有○吳○王○乎○安○見○賢○愚○之○足○爭
也○慙○泉○可○酌○也○安○見○勇○怯○之○足○憑○也○世○局○輓○轡
也○安○見○霸○業○之○易○盡○而○令○名○之○長○存○也○風○景○俱

泉聲塢影也。迄於今撫盛事者愁涕吳王而騷
人逸客則又慨慷悲壯。扼腕韋白諸賢之不作。
低回上下。惟有梵音鳥語。助人清嘆而已。嗟乎
名山佳水。萬劫不磨。盛業雄名。千秋同盡。則吳
王之生不足奇。而諸賢之死真可惜也。此余之
還覽虎丘而留恨千古也。

嬾仙云。馮弔古今英雄爲之墮淚。熱艷場中
一帖清涼飲子。

聖賢之道，所仰希于古也。

王公士大夫，各守其術，以自衛也。

昔山崩水竭，民無所歸，天下歸之如流水。

知周乎天下，則其言高，而不可及也。

人君之欲平治天下，必先正其家。

欲正其家，必先正其身。欲正其身，必先正其心。

夢遊玄洲記

王衡

丁亥戌月下旬，余苦左鼻痛甚，無聊案頭置王
子年拾遺記，時讀一兩行以娛目，已而假寐，忽
夢抵江湄，吼沫若銀屋，四顧潦慄間，有大石二
浮而來，余跨之游，鱣鮪跳梁，倒掣余足，恍惚中
數數自循其衣，有薛主簿魚服之懼，許久憑一
石瀨而登焉，走櫻桃花徑，漸穿松篁，許久得兩
堂，堂可四五楹，縹碧空翠，類世所謂琉璃鎖窗
者，俄而流聲冉冉，細若琴羽，自空而近，飄風橫

泊之。北扉臂開。則檻以外皆顛崖也。忽有寶山一座。大比于吾鄉天平岸。嶠者沿洞從之。旋轉若輪。石色紫翠相雜。零星若繁宿。惟賴玉乳爲骨。互相支撐。乳大者如柱。小者如指。白衣人緣而上下。若飛猱然。已旋而東。一童子短衣剝棗而食。一鳥鳥類鵝而高冠。再轉而爲瀑布。金字百千。隨飛練而下。皆寸許。榜其上曰玄洲焉。有頃而諸石皆動。頽響一擊。搏爲青霧濛濛然。予方喟嘆而余皆後。如有老人咳聲。返而顧之。則

毛褐丈人也。余揖而問之曰：「丈人見玄洲乎？」今安在？丈人咲曰：「玄洲也。那得在？」曰：「適之。」毳而類鷺者，何鳥也？曰：「子以爲鷺則鷺耳。然是芝田、雀母也。聲之若沉若起，乍遠乍近者，何也？」曰：「是鳥歌也。白衣人緣而上下者，雲中之人耶？」曰：「非也。水之游氣也。是所謂滴滴者也。爲梁而跨余者，何物也？」曰：「洲趾也。石何故浮？」曰：「嘻，石故浮物也。」莊先生不曰「壘空之在大澤乎？」余復曰：「雨字者何也？」丈人僂而不荅。旣而曰：「爾何規規也？」夫物

之流也。若逝而將頓而停之乎。闔營目而視之。予視之。則崇嶽百疊。壓楹而立。向所覩爭湍滂流。皆化爲堦壤矣。上漏天井。月灣西流。星耀五色。芒如吐錦綬。余矍然驚。再曰。呀。呀。而覺。覺而按十洲記。玄洲乃在北海中。仙伯真公所治。上多太玄仙官。金芝玉草。彷彿如夢境。而不盡然。抑夢怪矣。說夢者尤有怪焉。初直慰。暨久。情瀾橫生。墮此顛倒趣耳。旣而以夢中人。參夢中理。橫豎不立。轉覺顛倒亦佳。邢子才云。誤書思之。

更是一適此倘是也耶

懶仙云李謫仙夢游天姥吟似實有是夢興
高而采烈此更空靈幻變莫可名狀

謝山云

史氏一

化鷁國記

陳仁錫

國峙大江心。顛鷁不當蛟龍族。屬或曰建於禹
鑿之年。或曰非也。所由來舊矣。帝遣五丁。不能
去羽族。至者如劫火燒海底。風鼓山相擊。金隼
其鄰國也。海若怒。鯨波立。國君慧而黠。率子孫
臣庶。遷浮玉山。大樹之顛。水母無眼。全仗蝦行。
蝦止浪息。復返其國。世尊大悲。令天龍神鬼說
法云。煩惱是波浪。毒害是惡龍。塵勞是魚鼈。改
國號曰化鷁。頒朝典。歲再朝西天諸尊者。有橋

曰鳥道。然後令諸尊菩薩說法云。萬境無生滅。
如水常通流。卽名爲彼岸。然後世尊自說法云。
自性迷卽是衆生。自性覺卽是佛。爾時羽毛鱗
介皆現色身。古佛聞之。渡江而至。曰。折葦汀世
尊。偕諸菩薩諸天龍神鬼。瞻顧而退。曰。送鳥塘。
令○人○神○遊○
風來潮咽。如聞欬笑。曰。顱笑屏。夜靜江空。啄殘
寒月。曰。啄月磯。有時倦羽浴罷。對影自戢。曰。梳
羽巖。與魚鳥狎處。任公子罷釣。曰。夢漁墩。國以
大治。世尊倒用魔軍一切諸魔爲王侍者。多子。

塔前靈山會上。世世長有化鷺國不凌遲衰微
矣。千載以前有郭生者。自言吾當老其中生歟。
人因墓之。予亦不之訝。夫貞魂淑魄。騎長鯨而
至者。何必郭生。何必不郭生。采采江蘋。於以薦
之。一石點頭若上領予者。曰采蘋處。其旁有捫
蘿棧。獺迹滿沙。遂矚得井。人影湫在焉。因歌少
陵眼花落井水底眠句。曰眠影湫逾武境益闢。
舉手高寒。劃然長嘯。吾欲架天作長橋。曰架天
橋。十日之內。凡再遊焉。江妃進膳以魚頭供國。

王旼依佛後令啣書至。予與沈子朗倩偕往。則
以伊蒲供館于舞蛟洞。作度世經二卷。續水陸
儀文一卷。得詩如干首。若舞蛟洞諸勝。則朗倩
之記在。

嬾仙云。如唇樓海市。空中現出。怪怪奇奇。能
于一指中。織成雲霞龍鳳之錦。

彭澤艤舟記

鄒元標

予癸巳五月端陽前一日至彭澤。母太安人舟泊大江，相去十餘里。予舟泊邑城，取夫會郡丞署篆他之。邑簿尉相次謁，予心懼母舟埜泊，欲亟得夫辭簿尉，不見。渠不無少望去。其夫見而星散，走入山。自卯至午，予計無復之，乃持尺牘呼尉至而厲詞詰之。須臾夫集舟行，予家童喜謂不厲詞則不懼，不懼則夫不集而舟不行。予退而深自慚悔。呼尉至以好語慰勞之，遺祥刑

要覽一冊然予悔不能已先正云惟桑惟梓必
恭敬止彭澤吾桑梓地奈何以尉而遂忘恭敬
心乎予學素以理性爲主茲詞暴氣麓恐不可
令知者見也且不過謂尉可欺耳萬一尉有如
陶彭澤其人者束帶以去予遂爲世戮人怒可
輕視哉或曰聖賢處此何居曰聖賢寧從容以
俟不忍以一事而戾中和記之以昭吾過不然
與家童有喜心者何後先焉

懶仙云寥寥數筆先生氣宇自見○處世須

是忍耐而居官尤甚。但能忍耐。便有識量。着一急。性不得。蓋事多在忙中錯也。必始忍于色中。忍于心。久之自熟。無相較量。卽臨以大。事亦巍然不動矣。

虎丘玲瓏棧記

黎遂球

虎丘生公石之東有階百級，級盡帶以踈廊，度廊而南折北，有堂爲龕，奉準提大士，龕外可容客坐。文湛持相君爲題，來賢堂之東有軒，而如艇者，陳銓部蕊亭題曰雪艇。艇而左則作小窗一片，余爲題曰放眉。其右仍前爲軒，故名小吳廊。故寺正殿回廊也，其餘皆主僧因余而建之。來賢之稱，則吾豈敢請俟客之無媿。蘇公者，因大爲書于堂壁曰：嬉笑怒罵，皆成文章。歡喜贊

歎而作佛事堂故仰蘇樓後址也虎丘之勝于
斯爲全廊可坐而對埵花晨月夕憑而近矚石
上游人可數臥而聽遠澗底竹肉悉辨軒之小
吳吳諸門盡在煙雲樹色中時時見數十里綺
紈歌扇蘭橈相曳而至曲水田田秋香夏綠浮
沉枕簟冬春之際尤難爲懷故艇之名以雪著
也轉而放睂可以眺西北一派晴山遠水踈踈
折折余每讀書其中諸僧忘懷相晤客知余者
就而步月坐雨汲泉試茶或出看市上盤山竹

樹蘭菊之屬遞以時至。間傾囊易之作十許日。相對當乘興覓客。仍手一卷坐小舟去。醉則伸足偃睡。載燭而還。山半遊屐尚齒齒。門恆不閉。望廊間踈燈寂歷。僧或在焉。于以清歡無疲。真游寓第一快事也。爲門當廊之首。因山如棧。題曰玲瓏棧。屬瓜疇邵子八分書之。余爲記也。

懶僊云。近矚遠眺。胸中具有烟雲丘壑。寫得曠焉無際。雖僧寮旅邸。何愁寂寞。

汧外河功紀成記

陳函輝

陳函輝曰水利日在天地間。惟人因而用之。善。因。汧者能用汧。善。因海者能用海。善。因河者能用河。夫汧海與河天下之三浸也。用之則爲利。不用則爲害。用之不本于所因。則利亦爲害。因之不違于所用。則害可還返爲利。今夫靖小國也。而控汧之尾。扼海之喉。又孟河從而濬焉。用其一已足以制腴而席沃。奈何乎三溝之復三。寇之虞溢於苦艸。蒿旱於肥蠶。皇皇焉居珍貨。

于櫝而反爲沿門之乞也。是殆有故。夫用汙者

許大經濟不獨文勢抑揚

不用其清。淖用其剽。疾用海者不用其瀾。汪用其汰。鹵用河者不用其滌。洄用其險。怒所謂不食其利而誤噎其害者也。懲噎者將遂廢食乎。夫以商鞅李斯之蜜而不能用。涇渠用之者惟鄭國。以西門豹之智而不能用。漳水用之者惟史起。功建有其時機。逢有其會也。周官營溝行水之制。浚導儲蓄各有端司。故以方井之地四尺爲溝。八尺爲洫。二尋爲澮。皆斤棄膏腴。盡捐賦

歛以與民共利。漢之京師少府自總禁池水衡。自掌林苑。都水自行三輔。太嘗自領巴渠。其間郡國陂湖。碁置林立。二千石長吏各自以便宜濟事。如文翁召信臣。王景烏臻之徒。經樹之蹟。動垂不朽。初不假重于廊廟也。後世如熙豐之政。責成使命。鑿空尋訪。行之一路。則一路擾。行之諸道。則諸道駭。東坡先生至。謂朝廷本無一事。何苦如此。然後知輪橋鮮水。廬江鏡湖之蹟。嗇夫亭長之勸勤。有過于詔令之切囑者。彼徒

見之空言。而此則徵諸實事也。靖之爲邑。外宅
三大浸。而內派七十二港。其幹豐者。其枝不弱。
其渫清者。其災易澹。然說者曰。港身大狹也。港
蓄太薄也。港流太分也。港派太近也。譬之人身。
以醫國賁門臃中。升降不靈。則任督之交。蹻俞之會。必
有受其病者。故中滿者。可以運錘而去也。外塞
者。可以爬梳而活也。河有十團。團者圓也。顧名
思義。義取迴環。爲之伐茭蘆。爲之墾沙礫。爲之
分源派。爲之拒濁汨。而其最便者。曰。佃給力主。

給符家自爲政則無匿人自爲傭則無誘乘農
之隙。僭衆之協。功成矣。而其最急者。水入之櫃。
立壩宜堅。水發之囊。設閘宜緻。深息而涓。舍束
筭而平衡。水樞之中。蓋寓一邑泰象焉。先是靖
無濠。至是復隍。有恃靖無梁。至是虹彩下飲。靖
無舟。至是好事之家。代木蘭。曳青雀。高人書画
之舫。釣徒櫪頭之船。皆翩鳬而集雁。乃張水嬉。
迂嬪客。置酒河之干。而落之。其歌曰。陞山駢石。
不可得泉。莧葦莽萑。用力殊艱。此實澤國五沙。

易○瀦○纊○土○若○糠○吐○穢○如○涎○承○弊○勸○力○灑○惡○柔○堅○
道○室○王○器○繫○此○涓○涓○內○度○旣○適○茂○華○以○宣○慶○忌○
螭○龍○來○宅○深○淵○藻○香○鬱○浮○膏○黍○油○濺○升○爲○文○明○
釀○爲○豐○年○七○尺○之○施○視○我○瀆○田○新○潺○荒○度○利○用○
弗○湮○歌○罷○遂○書○之○爲○記○

嬾○隱○云○無○論○河○功○在○萬○世○卽○此○一○記○河○渠○水○
經○皆○其○胸○中○脉○絡○矣○

觀瓢記

王思任

泰山喬嶽分星犯漢。其亢雄危傑之勢。不知幾
千萬里。東隣逸士得一枯癭。瘦磯。滌剔其塵。而
靈朗其竅。有辟有岌。有麓有岡。有鬱有紆。有層
有隱。設身游之。卽十馮八駿。追章亥之影。不能
遍也。此猶其似者也。赤魚之在盎沼。吻响尾翔。
自謂海孰與我大。非誠傲悍。雖海亦何所用之。
吾非魚而故知魚也。萬物之生。強半以天鑄像。
人得之而爲頭顱。物得之而爲果臝。是故瓢可

以容亦可以覆工宰之觀所自昉哉若然則天之爲瓢也舊矣胡不以其雲霞爲囊日月爲子雨露爲漿而僅錄一果蓏之殼又復果蓏之中作僞果蓏母乃愈觀而愈蒙耶工宰曰子之說誠然然有子之觀有我之觀子之觀觀天一瓢也我之觀觀瓢一天也吾所謂見垣而穴革者也吾不願東鄰逸士而願魚之居則又進工宰一義許由以手飲人遺之瓢乃操飲飲罷登瓢于樹歷歷風言由謂煩擾破而去之旣曰瓢又

妙得漆園之趣

曰觀瓢。又曰觀瓢記。工宰多事極矣。瓢之有亡可也。

懶仙云。粒粟藏世界。芥子納須彌。具慧眼者。勿作異觀。

淨業寺觀水記

王心一

長安以水爲奇遇。每坐對硯池。盂水與天光相映。便欲飛身溟海。一泝洪流。而淨業寺在都城之北。面臨清波。汪洋數十頃。兩涯之間。幾不辨牛馬。而一望鏡徹。直令人心一空。招提金碧。與林木森疎。時時吞吐。水練上。卽此便是方丈蓬丘。予厭苦塵污。一日舍輿循涯而步。見有敗荷如蓋。餘香乘風來撲人鼻。忽木魚響歇。隔林笙歌隱隱出紅樓中。覺耳根如洗。轉視昔時從馬

驢間聽傳呼聲頓隔人天。已而穿蘿尋徑。復有
小築自爲洞天。四顧竹樹交加。成帷。更爲奇絕。
予乘小酣。暫憩草棚。爾時欲有題記。覺我寧作
我。不可更著名言。頃則西山落日斜挂樹杪。如
輪如燭。返照水面矣。歸來抱膝對硯池。盃水餘
興欲~~窮~~。便欣然神往。遂漫爲追次其事。倘他日
乞得~~冷~~曹借吏隱間身。再爲覓句以志勝事。當
不負此佳境也。

懶仙云。胸無宿物。筆絕點塵。

山中嘉樹記

姚希孟

山○以○樹○爲○衣○山○無○樹○猶○麗○姝○不○得○羅○襦○繡○帶○而○
驕○語○綦○綰○能○發○其○驚○鴻○遊○龍○之○態○否○耶○洞○庭○固○
嘉○樹○藪○也○花○有○二○時○爲○梅○爲○梨○梅○之○盛○未○知○較○
光○福○鄧○尉○間○何○如○但○見○老○榦○苞○香○糾○錯○諸○塢○中○
後○堡○涵○村○爲○最○往○往○團○而○續○不○若○光○福○亘○而○聯○
疑○光○福○差○雄○也○所○傳○舟○頭○梨○花○則○天○下○無○雙○矣○
又○聞○黃○家○堡○有○一○老○桂○云○舟○菴○四○季○山○茶○傳○爲○
舟○里○先○生○手○植○吾○何○所○取○質○哉○果○熟○爲○橙○橘○果○

娛口。非用悅目。乃談閩南鮮荔枝者不獨涎流。雙睫亦淫淫不自持矣。橙橘凜高秋之氣。肅然嚴冷。然深黃淺絳。遙映綠叢。如禮法大家未嘗不濃粧靚飾。而舉止矜重。隱身自蔽。清霜旣醉。色韻成醞。間以銀杏之蒼姿。楓林之絃色。遂使明沙淨渚。別開畫圖。遠岫孤峰。轉增綉繡。此秋山一時之美。獨擅于洞庭。余所爲選時而踐也。長松落落。遠者一二百年。近亦不下數十年。寅朝曦攀夕照。邀清暉於明月。漱爽籟之清風。卽

水遠不聞湍瀨。僧懶不習鼓鐘。而樹杪生濤。山
空響梵。劃然而豹虎嘯。喑然而蛟螭銓。此皆松
之餘韻也。松莫盛于天王。莫古于華山。若包山
水月。則晉楚齊秦之匹。惜未見羅漢法喜諸松
耳。松之爲龍攫者二。一在徐文敏祖墓。由趾貫
其顛。傷痕如剝。樹夭矯自若。一在上方塢。欹臥
橋上。若推仆不得起。作臃腫支離態。而鬚戟怒
張。夫松固木中龍類也。故松脂入地爲琥珀。龍
血亦爲琥珀。何同偶相軋。豈亦惡其似龍者耶。

爲雷劈者一則松臺孤松也雷火削去一枝當
是助乖龍爲虐而老榦未戕馬遠筆意故在栢
則華山寺前側栢兩株高僅三尺枝匱葉習有
瓔珞莊嚴之相天王寺古本一株百餘年物矣
枝枝向佛若合十皈依者玄奘歸而松枝轉孰
謂無情不說法也爰告主林神當爲摩頂授記
而余譜佳樹多取喻美人故當以禪衲終

懶僊云山水之佳若無樹點綴則山亦不榮
矣洞庭嘉樹從前遊記所未備先生讀遊記

記云按圖之外別開玄對擊節之下自具賞
音殆自道也日携循滄集真可常勝遊此特
其一勺耳

耦園松樹記

韓詩

耦園者故兵憲來公陽伯之所築也。公天姿豪俊，遊戲墨苑，擅蘇門之清獻步，華陰之神霧。每奏一技，風流駘宕，世咸推阮咸謝靈運之座。性嗜麴蘖，飲必達旦，其爲孝廉，便構此園。園中名花奇石，釣渚棋枰，皆公醉舞婆娑之地。然每與客箕倨，或灑翰潑雲，山半幅則逞逞盤博。松下吾鄉不多松，卽有一二見於幽林僧薈，又大不盈尺。皆來自晉俗云白孤松也。會城惟保邸有兩

想見高韻

粒松。翳雲騫鳳聲如環珮。萬泉謖謖。過於霄際。
但恨其寡。秦寢有松二百餘樹。或偃或蓋。或撐
或跂。或蒼鱗舞。漢或仙掌拍歌。蟠曲萬狀而下。
眠長年人。琉璃銅駝。荆棘盤抄。過之。但使人氣
盡。祇如其多。耦園松圍半畝。姿度修遠。白日半
寒。青山寫照。又襍枕溪流。聚於石砥。俯仰之間。
俱如物外。故余稱吾鄉松。耦其最地。不更敞臺。
不更小安頓。宜也。博山焦尾名帖。丹房點染。宜
也。主人舞觴而醉。客山僧歛坐。以談經。遭際宜。

也○落花點翠雲之茵○明月乘翩颺之雀○態致宜○
也○至於雪撥紙窗○影寒秋響○際微月○觸耳觀公○
皆○拾而入之○詩脾○畫稿中○與天目虬枝○石橋仙○
種○共作老人手中龍矣○公不負松○松忍負公哉○
友人溫與亨云○陽陵劉太常○頗愛松樹○不遠數○
千里○輦植其家○每一松下○臥以英靈壁石數拳○
今奉常歿○其松無有來觀者○

忽出忽收奇絕

懶仙云○昔張薦明有古松十餘株○謂人曰○予○
人中之仙○此木中之仙也○有此等人○纔不負○

蒼顏叟○

題箋記

楊廷樞

嗚呼。此周忠介先生丙寅三月二十二日旣就逮。署中爲余兄弟書也。先生之存也。天下無不仰其賢。及其沒也。而思之。思之。而景其流風。詢其佚事。敘而傳之。以庶幾先生之不沒。則無問其物之微。與其事之偶然者。故謹而日之也。初余與先生同里。余尚自引匿。先生顧從傳聞。心識余。乙丑夏。現聞姚先生鐫秩扶喪還里。郡之賢士大夫悉會余。于是始接先生。先生目屬之。

謂孺子可教也。時擁節鉞茲土者闔私人某鉤
距外事爲奇貨以自結。與諸正人齟齬。又示踈
遠以悅璫心。謝弗至。先生訶其使斥某名。辭色
俱厲。聽者股栗。余從旁竊嘆曰。先生真偉人。然
卒以是速禍。先生旣奪職里居。余因從還。還先
生嘗論殺身成仁。至死不變。君子去仁惡乎成
名之說。多可記。丙寅三月望。緹騎夜至吳邑。令
懷牒詣先生。余未之知也。遯明友人徐沂奔告。
來言狀各泣下。余父子偕走。因所。俄以當道旨。

移先生入縣署。時無論知與不知。布武半室。肩踵相摩。延首戶外者。猶絡繹至。曰。周吏部天人也。耶。願識周吏部聲。薨薨不絕。輸金以贖吏部者。日數百。余父爲籍記之。比開讀。諸生三四百人。號泣從。余弟楨與錢禧哭尤慟。語侵當事甚力。世傳紀事甚多。類自伐以没人善。或失實。故不詳著之。越翼日。余偕汧入唁先生于兵使者署。時伍卒周廬。調事者布左右。兩人抵間微服入。先生意氣浩然。語良久。先生咏平日所自爲。

詩○悲○歌○慷○慨○陽○陽○如○平○常○又○二○日○余○獨○候○先○生○
于○司○李○別○署○扃○鑰○益○謹○亭○午○不○得○入○久○廼○入○先○
生○寂○若○無○事○濡○筆○書○此○二○簞○厥○後○余○再○入○者○一○
余○父○子○入○者○二○與○先○生○訣○而○先○生○以○二○十○五○日○
夜○旣○半○密○裝○出○城○去○迨○株○治○黨○抹○者○幾○興○大○獄○
而○先○生○北○行○卒○訊○死○詳○先○生○本○傳○中○先○生○爲○文○
多○忠○憤○勃○發○或○感○槩○刺○譏○當○世○爲○人○所○嫉○是○時○
訛○言○孔○將○云○欲○藉○先○生○家○先○生○家○因○盡○焚○先○生○
平○日○手○牘○故○所○著○多○不○傳○嗚○呼○今○三○年○矣○追○數○

往昔忽忽如昨日事變故以來旣不得覩先生之音容時懷此書展玩流涕先生之文倉皇遺佚旣未顯于世而其筆墨流見于親故朋友之間者或得其一二亦未知今之日盡無毀棄與否而是二簋以余寶惜之乃獨存嗚呼古之愛其人者必重其言感其事者必敬其物甚而問其人夙昔長短好醜之形及其室廬之所近足跡之所游輒低回弔之不能去况夫手澤所存而又出于患難險阻觀其所與之人考其所作

之時既足以感憤太息明夫顛沛不違之義而
誦其所咏之詞又足以激發忠義昭示來者是
可無存焉者乎先生書得顏平原法忠義天合
其大者如小雲棲題額業泐之石可以永久而
是簞也不能與石同壽恐久而失之余滋懼焉
故爲之記庶幾後之人傳之卽不得見先生之
所書者猶得咏詩以想見其爲人且以風夫有
心者藏其翰墨亦稍稍出之以布于世令先生
之遺文復顯而讀者可以不恨此其所以志也

崇禎二年十月六日

附詩

天寒日暮欲何之。聞道輕裝已駕時。且喜雄
心仍自在。莫嗟分手未爲期。鳳川波浪愁行
色。馬嶺風烟繞夢思。此去長安霜雪苦。囑君
珍重歲寒姿。

贈關尹一首

客途無復附書頻。此夕啣盃愴別辰。明月一
天遙寄影。雄文千古已疑神。交情廓落慚時
輩。吾道行藏信昔人。榻上方書匣裏劍。中宵

應不歎無隣

舊作寄文起孟長

懶僊云先生與忠介其忠義亦有天合者緹
騎之變幾蹈不測寶此二箴淋漓追撼風雨
颯然蛟龍欲泣紙上點點血腥噴射

楊先生之行徑與周先生之說為皆明矣通以藏

信若人之司中實亦不啻與隣楊先生又與周先生

牘舍信安君子之以此與君子之言一也

天啓七年八月廿二日習齋前書顏本自二日答位

戲神清源師廟記

湯顯祖

人生而有情。思歡怒愁。感於幽微。流乎嘯歌。形諸動搖。或一逞而盡。或積日而不能自休。蓋自鳳凰鳥獸。以至巴歛夷鬼。無不能舞。能歌。以靈機自相轉活。而况吾人。奇哉清源師。演古先神聖。八能千唱之節。而爲此道。初止夔弄參鶖。後稍爲末泥三姑旦等。襍劇傳奇。長者折至半百。短者折才四耳。生天生地。生鬼生神。極人物之萬途。攢古今之千變。一勾欄之上。幾色目之中。

無不紆徐煥眩頓挫徘徊恍然如見千秋之人
發夢中之事使天下之人無故而喜無故而悲
或語或嘿或鼓或疲或端冕而聽或側弁而哈
或闕觀而笑或市湧而排乃至貴倨弛傲貧嗇
爭施瞽者欲玩聾者欲聽啞者欲嘆跛者欲起
無情者可使有情無聲者可使有聲寂可使喧
喧可使寂飢可使飽醉可使醒行可以留臥可
以興鄙者欲艷頑者欲靈可以合君臣之節可
以浹父子之思可以增長幼之睦可以動夫婦

之歡可以發賓友之儀。可以釋怨毒之結。可以
已愁憤之疾。可以渾庸鄙之好。然則斯道也。季
子以此事其親。敬長而娛。歿仁人以此奉其尊。
享帝而事鬼。老者以此終。少者以此長。外戶可
以不閉。嗜欲可以少營。人有此聲。家有此道。疫
癘不作。天下和平。豈非以人情之大寶。爲名教
之至樂也哉。予聞清源西川灌口神也。爲人美
好。以遊戲而得道。流此教於人間。訖無祠者。子
弟開呵時一醪之唱。羅哩噠而已。予每爲恨。諸

生誦法孔子。所在有祠。佛老氏弟子。各有其祠。清源師號爲得道。弟子盈天下。不減二氏。而無祠者。豈非非樂之徒。以其道爲戲。相詬病耶。此道有南北。南則崑山之次。爲海鹽。吳浙音也。其體局靜好。以拍爲之節。江以西。弋陽。其中。以鼓。其調喧。至嘉靖而弋陽之調。絕變爲樂平。爲徽青陽。我宜陽譚大司馬綸。聞而惡之。自喜得治兵於浙。以浙人歸教其鄉子弟。能爲海鹽聲。大司馬歿二十餘年矣。食其技者。殆千餘人。聚而

諗於予曰。吾屬以此養老長幼長世。而清源祖
師無祠。不可。予問。倘以大司馬從祀乎。曰。不敢。
止。以田竇二將軍配食也。予額之。而進諸弟子。
語之曰。汝知所以爲清源祖師之道乎。一汝神
端而虛。擇良師妙侶。博解其詞。而通領其意。動
則觀天地人鬼世器之變。靜則思之。絕父母骨
肉之累。忘寢與食。少者守精。蒐以修容。長者食
恬淡。以修聲。爲旦者常自作女想。爲男者常欲
如其人。其奏之也。抗之入青雲。抑之如絕絲。圓

好如珠環不竭如清泉微渺之極乃至有聞而
無聲目擊而道存使舞蹈者不知情之所自來
賞嘆者不知神之所自止若觀幻人者之欲殺
偃師而奏咸池者之無忌也若然者乃可爲清
源祖師之弟子進於道矣諸生旦其勉之無令
大司馬長嘆於夜臺曰奈何我歿而此道絕也
廼爲序之以記

曇隱云微而性情之際大而倫理之間從戲
劇說得閑係牡丹四夢先生其現身說法耶

聚五齋此仙記

陳元素

聚五齋爲潘文學俠侯孝廉基聖讀書處屬有
所疑邀鸞仙決之乃故御史大夫高景逸先生
應符而降運箕如飛自署名姓而賢肅拜不敢
問它事○先問邊庭與先生之神何所栖○受命如
響○索數百言○大都謂國家元氣寢傷○幸天祚聖
明○無疆之曆○而懷丹抱赤○歿生惟國恤者○終不
敢○以仙洞之樂○自樂也○洞曰桃源洞○其間島嶼
宮館不一其名○靈人法曲○奇花偉霍○種種可驚

可喜。乃知先生辭世。真水解云。余嘗讀華陽隱
居真誥云。忠孝之人。既終。皆受書爲地下主者。
漸進得補仙官。又曰。至忠者能公。犯直心精貫
白日。或剖藏毀身以激其君者也。以是方高先
生事酷類比干在戎山。李善在少室。高先生今
在桃源。政復伯仲。顏魯公既遭大梁之難。客復
遇之羅浮。且寫書達其家。手筆宛然。至柳州之
神羅池。昌黎之討威梓仙耶神耶。雖莫可知。要
之氣節丈夫文章士精英神爽。必有死而不亡。

者寧獨高先生哉。或曰高先生旣已享洞天之樂。宜厭薄塵世。何足與語。而羅縷述之。若不免表襮者何。余味其語。似有微旨在一。以示時事。雖棘國運方隆。杞人漆女。無煩過計。一以示仙宇遼廓。仙籍寔繁。可知同難諸賢。均接游處。一以示駭形且宅。如易水藪。俾須眉肝膽勇猛担荷。不以利害生。死爲怵惕。則聚五齋降箕之談。實當入高先生外傳。烏可以無記。

懶仙云。自來文章之士。鍾天地精靈之氣。其

生有自○其出有爲○其去也○必有所歸○縱不能
拔宅飛昇○或亦借五行遁形○如高先生之赴
水也○豈非正直之人○沒而爲神者乎○如以附
箕爲假借之術○腐儒何足以語道○

遇仙記

劉道貞

世儒於神仙事多諱。道家者流又幻說其說。謂
名在綠字玉書。道必飛精拔宅。乃可得仙。而予
攷古忠孝奇烈男子。強半以仙蹟聞。留侯鄴侯。
采真佐命之時。中散平原。形解兵刃之際。預定
生前。則白樂天名題蓬島。王平甫夢到靈芝。著
靈身後。則蘇子瞻遊戲杏園。韓稚圭總真紫府。
人謂有宋群儒。半是武夷仙伯。然則太清選客。
豈離世上英雄。道炁長存。真人不歿。迺今於太

史李仁卿遇德望陶公事益徵信焉萬曆甲午
秋李公時爲諸生試畢西返書劒脩然日暮行
遲山烟間寂倏有道士策杖馬前掀髯言曰子
非應試者耶子毋妄想解元今科解元故子邑
羅生也子當以庚子得雋丁未始成名爾李負
才盛氣怒而捶之道士大言曰我會稽陶與齡
也吾若翁門下士而乃辱長者爲諍語紛紜人
影俱失李始異之歸問甫翁宗伯公公曰噫此
予南中所取士而今太史周望兄也業久卽世

子母乃與魅語耶。李自疑不祥。意忽忽不自得已。而其語果驗。蜀中盛傳陶公實仙。太史周望業聞而採入家傳中矣。噫。啼關尹有言。聖智造迷。鬼神不識。古至人練形度世。冥冥秘秘。難可測。窺或混跡可徒。或和光朝市。或行歌陌上。或賣藥壺中。非死非生。乍見乍隱。先生則其人也。李公無心邂逅。大是仙緣。覲面失之。令人懊恨。倚馬數語。競心都盡。蓋又一黃梁故事矣。而或者謂家傳稱先生潔廉。飾謹克勤。小物終夕靜。

默不聞譚仙。太史亦不知其爲仙。今胡遽仙也。
耶。夫金馬歲星。漢武不知。上清童子。鄭生罔測。
斯故肉眼神穢。識昧冥觀。乃陶貞白了道山中。
尚不期及門。桓闔十年靜修。先彼昇引。况其他
乎。周望太史學道一生。不蚤向阿兄乞真詮。豈
周望學佛。肯趣小殊。抑先生沉冥天機。不露則
德望亦陶家之桓闔先生也。蜀山與靈幽真所
居。峨眉青城間。先生在焉。聞此語亦一笑而領
之否。某與公嗣燾曲公爲寮友。夙異其事。及來

守蜀稽核詳悉。特勒石遇仙橋頭而爲辭以招之。辭曰

我聞百里之鑑湖。天水烟物粘菰蒲。華陽道侶多精廬。中有一人仙之臞。隱几手弄日月珠。飄然乘雲遊帝都。一笑偶到三川隅。日暮道遠行人吁。馬首數語開靈符。仙影一失雲模糊。事奇語怪驚頑愚。蜀山幽閔仙靈居。青城鸞霍驟霞裾。峨眉古雪浸肌膚。先生倘在其來乎。嗟乎先生倘在其來乎。

懶仙云朝遊北海暮蒼梧仙真何處無之陶
公妄想解元一語彷彿邯鄲道上授枕故事
奈李公名腸太熱未及早悟耳

青玉舫暑遜記

關士琦

壬戌之夏。潭公再至桃源。諸子羣聚。步中散之。
青玉舫。茶闌酒半。分韻成詩。或藉草。或倚樹。望。
或眠冷石。或弄凉水。浴已還坐。或爲懊惱狀。尋。
詩路。如不卽至。或拍手。人。叫喜得勝。語目不識。
主客。人不辦冠履。午日炮烙。而惘然恍然。不得。
暑之所在。余謂此彥會也。擬以河朔。非專于酒。
擬以感涼。非專于風。卽佛氏作水想。作氷想。作。
琉璃想。散百千寶光。演無常無我之樂。未免有。

待之爲煩。若予等對此萬竹。羣葉互扇。無故成風。積綠唾人。不時出雨。辭醉鄉。入槐國。坐止言笑。無常人理。不必分風于蟬。學泳于魚。似反以暑爲窟宅。而有術遁于其中者。也。名曰暑遯兵家五遁。六害五氣所不能入。若浮李沉瓜。斯爲下策耳。李白詩曰。但得醉中趣。勿與醒者傳。細語潭公。毋廣之。使後世傳吾輩暑中遁甲也。遂書與別。而尾以詩。潭公湘潭公伯孔楷江中散禹疏上官法護憲張孟傳烜煜江个臣東相邢

甚

○暑○遁○二○字○奇

武子祚胤各爲詩宋魯男世偉家弟虹叔琳後
至得并書壬戌伏日桃源闕士琦褐公記
曇隱云暑月讀之。颯然兩腋生風。

平陽書王
風谷

左手篆文記

陳萬言

歲在玄默困敦月中仲呂之朔日指申矣余偶
登臥樓偕俞會嘉暨仲季聚立而語有間出兩
手欠伸微見左臂隱隱有文旋膚理若動而赤
文中起廣可寸許修過之諦視之則玉筍篆一
進字也三人詫觀以爲奇余戲以朱塗其文用
楮倒篆數紙鈎畫宛然晡而稍平隔宿猶可摹
而見也每對客語之多不信輒出所印倒篆示
之其好我者曰此何祥也余曰否否其懼我者

曰此何殃也○余亦曰否否○人之于身也○無尺寸

之膚○不愛焉○則無尺寸之膚○不養也○以爲愛之

者○是則善譽者○不能解也○以爲不愛之者○是則

達人本懷

善毀者○不能誅也○攷之奇書○稗乘○古之人○未有

見也○誅之故○老博聞之士○今之人○未有聞也○夫

唐叔虞之有文在手○曰虞也○魯成季之有文在

手○曰友也○宋仲子之有文在手○曰爲魯夫人也○

皆生而賅存焉○未有立譚顧眄之頃○手腕皮肉

之間○斐然而成章○忽然而變化○起滅不可思議○

者也。佛氏因緣或言神通變現。胸面手足皆可湧出蓮花。函字庶幾近之。然而此時非想非觀。其因不可測也。道之費也。雖聖人有所不知焉。筆端變化不可方倪。浸假而化。余之指以爲龜龍。浸假而化。余之腕以爲蟲魚。浸假而化。余之肱以爲垂禾。倒殣浸假而化。余之身以爲史籀。倉頡吾烏得而知之。夫亦存而弗論也已矣。

嬾仙云。可驚可愕之事。天地間何所不有。覽之足快人胸臆。昔金山行者臂龍。風雨時。婉

蜒欲動下探江心山爲搖施莫看作咄咄怪

事

山居鬪雞記

袁宏道

余向在山居南隣一姓金氏隱于掾愛畜美雞一姓蔣氏隱於商從燕地歸得一巨雞燕地種原巨而此巨特甚足高尺許粗毛厲嘴行遲遲有野鸛狀婆娑可人羣雞見之輒避去獨掾隱家一雞縱步飲啄如常玉羽金冠娟然更又可人然其體狀較之巨雞止可五之一巨雞遇之侮其小隨意加啁美雞體狀雖小氣不肯下便躍然起鬪巨雞張翅雄視時欲卽下美雞惟凝

意○抵○防○不○敢○輕○發○。于是各張武勇。且前且後。兩
兩相持。每費余刻。巨雞或逞雄一下。美雞自分
不能當。卽乘來勢。從匿巨雞跨下。避其衝甚巧。
巨雞一時不知美雞置身何所。美雞從巨雞尾
後騰起。乘其不意。亦得一加於巨雞。巨雞纔一
受毒。便怒張撲來。美雞巧不及避。乃大受荼毒。
余自初觀鬪至此。大抵見美雞或得一捷。則大
生歡喜。且睜睜盼美雞。或再捷而卒不可得。而
亦終不想及爲之所。美雞將不堪。余政在煩惱。

間有童子從東來停足凝眸既而抱不平乃手搏巨鷄容美鷄恣意數啖復大揮巨鷄幾掌巨鷄失勢遁去美鷄乘勢躡其後直抵其家須臾巨鷄復還追美鷄至闔所童子仍前如是如是再四適兩書生見童子諄諄用意爲此乃笑曰我未見人而乃與畜類相搏以爲事也童子曰較之讀書帶烏紗帽與豪家橫族共搏小民不猶愈耶兩書生愧出余久病未嘗出里許世間鋤強扶弱豪行快舉了不得見見此以爲奇逢

人便說說而人笑余亦笑人不笑余亦笑說而
笑笑而跳竟以此了一日也

懶仙云馮燕少以意氣任俠專爲聞鷄擊毬
戲魏市有爭財鬪者燕聞之往搏殺不平若
童子之抱憤實有觸於強橫搏民者豈若賈
昌少年弄鷄之小智耶

靈兔塚記

黃汝亨

先癸丑四年客有見白兔于天台山者守三年而得之珍重寶愛歷遊諸王侯公卿間未遇也迨癸丑秋八月携之白門門下士汪生輩捧以歸余余籠以金鏤題以玉衡偃仰一室曠若林麓與之周旋者凡三年其體瑩皓月眼含赤霞冰姿絕倫雪態橫逸若蹲若臥名狀千變客或見其一斑予日摩娑愛玩之未有窮也今年春二月先一夕夢有黑衣童子雙眸下睇盼以赤

文○若○繞○膝○置○辭○者○予○驚○而○寤○起○視○之○作○欠○伸○態○
躑○躑○者○三○遂○歿○矣○予○愴○然○若○喪○者○久○之○豈○記○所○
謂○五○百○年○而○白○五○百○年○而○黑○者○其○變○徵○乎○夫○遷○
無○超○有○理○之○大○常○含○靈○表○異○物○有○至○貴○每○見○徑○
山○標○靈○雞○之○塚○河○東○記○鸚○鵡○之○塔○斯○皆○資○始○道○
妙○託○體○山○阿○余○之○斯○鬼○豈○不○同○然○遂○裹○以○文○車○
封○之○靈○鷲○山○腰○韜○光○庵○下○識○曰○靈○鬼○塚○卽○委○蛻○
一○時○流○耀○千○載○詎○忍○湮○沒○不○稱○草○木○俱○腐○哉○乙○
卯○孟○夏○朔○日○玉○衡○主○人○書○石○

懶仙云。兔雖靈。得先生表之。而其靈始彰。兔
之歷王侯公卿而未遇也。乃所以遇此知已
也。兔其幸矣哉。



This image shows a vertical strip of aged, yellowed paper. The left edge is dark and textured, likely representing the binding or spine of a book. The paper itself is a light cream or yellow color, showing signs of age and wear. There are some small, dark spots and fibers visible throughout the paper.


琉璃盎雙紅魚記

黎遂球

琉璃爲盎如珠形可徑寸注水焉畜小紅魚一雙縣于庭際水與琉璃一色其于空虛亦復一色魚視之不知其幾何水魚因琉璃得影近或小遠或大以其形圓故影或互見而交出魚觸而相戲又不知其幾何魚人視魚如交游于空虛又不知其爲影爲魚人樂也魚安所得樂魚之水僅可以寸並以身入焉而以爲人玩魚則何樂是烏知其不然魚不知其幾何水觸而宛

轉動而不已。與影相戲。近而復遠。又不知其幾何。魚魚故甚樂。如江湖矣。故夫人之生。僅可百年。而讀書挾策。以圖未然之富貴。爲詩賦。弄筆墨。以求傳其名。又進焉。而建立功德。以與乎古者。聖賢之列。能者爲之。不能者強而不息。窮焉而自以爲可通幻焉。而自以爲真。得困頓焉。而自以爲猶多餘地。渺小焉。而自以爲甚尊。且大夫人之遊于世中。何必其不然而亦何必不然。崇禎歲壬午。粵燈事甚勝。有鬻是而綴以絳花。

使魚視之。又將以爲林池草樹。而以爲游觀之
戲者。予偶得百錢。易之。記焉。將以問夫得道者。
嬾仙云。游戲三昧。開人眼孔。澹人胸懷。



闡試策記

徐肇縈

余不敏耻費辭離道。曠年寢筆。間屬文。仍事便意。未嘗有一日用力以自勝。辭費而力勝一日者。獨應制策也。宜。今制策爲取士故事。有司減燭狹卷。日中發目。諸士未夕奏草。幸無後免揭。余三應鄉試。嘗始作氣。旣衰而竭。卒以苟從事已焉。丙子之役。黃元公李心水二先生獲余。驚制義于奇書。相與究析。目論策以一代鴻文。典試怪之。曰。功令尚庸。部校必謫。乃寘副首要之。

五策信古畧今勤本疏末未足以動君相救時俗其辭騁而薄體要不峻聞風者不起非初志且夫議不盡誠事不盡力狎侮政典以自比于不忠之臣其爲離道之恥彌甚余雖然豈敢詭遇哉今歲壬午廷臣奏重策廢卷有異才監察上聞特用屢詔勿使庸雋奇落多致負乘考官殿最視文余喜而歎曰天子痛庸夫僨國而惜奇若此此草莽之臣畢智盡誠以獻于君之日也得第部校必不謫不得第監察必以薦天子

必見其文。天下可治。是俞貴。奈何不竭才。於是
謀爲萬言。人以爲愚。曰。命中不在策。吏必棄不
書。未幾。府錄科遺余。余聽及府錄遺。又遺余。余
聽人訝之。及督學大收。余知無倖。卒不赴。愛余
者曰。觀場易甚。終坐而自絕。如乘時表文之志
何。余曰。子亦知夫女子鑽穴隙之喻乎。此我之
所爲表其文也。初監察觀風第余十六。及期以
未錄者三人應試。余次適與焉。又喜曰。始不得
與督學一試。今可幾天子行我文入末場。燭滅

卷狹執燭披卷而告監察以故監察許數書就
庭燎乃不屬稿夜中燭方盡策成萬有千言起
而登堂四顧躊躇滿志時監察退門閉諸生總
總然踦跛于廡下見三人不冠而袒立飲庭中
酣呼自得則司卷令也余饑渴甚執卷而前曰
諸公聞有策若此而無罪者乎氣○甚○豪○壯○貴人之酒秀才
許與飲乎三令歡手酌而授余使人招廡下諸
生偕飲三辭不敢無有至者余南鄉仰月舉爵
請曰古人飲必賦詩今良夕邂逅可以見志乎

皆曰可。余乃歌曰：月出中天，不照避陰。君子有
酒，不飲貪人。賦詩舉爵，有禮有文。今夕何夕，聊
樂我員。數酌余樂，擊箸而唱。月光如畫，聲振千
人。壹不知夫布衣之賤也。曲終一令，東鄉者問
余名里。曰：秀才。才士必第，第將來賀。余謝曰：今
夕得飲諸公酒，足賀第。非秀才志，不足賀。終身
不第，公不來。乃自賀。西鄉者曰：第非志，何久勞
于此。余曰：國制也。雖孔顏必繇今日之志。在文
不在第。曰：志以貴見，不貴何以文爲。曰：諸公貴

矣○志○亦○休○矣○北○鄉○者○慍○曰○貴○獨○非○志○豈○吾○等○皆○
非○哉○子○言○謬○何○不○退○隸○人○亦○謂○余○退○余○笑○曰○何○
以○與○天○子○爭○令○叱○士○退○隸○亦○叱○士○退○卷○在○隸○手○
請○裂○卷○遲○退○以○終○令○雅○令○乃○叱○隸○而○請○言○余○謝○
遂○自○浮○西○鄉○北○鄉○者○謳○而○走○東○鄉○者○曰○我○陪○秀○
才○飲○盡○酒○而○起○余○醉○而○憊○踞○于○階○三○令○皆○醉○走○
及○階○廡○下○諸○生○總○總○然○過○而○爲○余○請○曰○諸○老○師○
在○上○秀○才○得○妄○罪○幸○赦○令○笑○曰○秀○才○非○俳○優○飲○
唱○何○罪○遂○入○余○待○旦○而○出○書○其○策○歸○獻○于○孔○子○

○慕○狀○席○態○可○憐○

廟○既○而○不○第○得○卷○闕○五○策○聞○蚤○有○搜○而○觀○之○者○
未○知○其○人○惟○而○取○之○與○或○吏○故○棄○不○書○與○然○則○
飲○酒○賦○詩○之○事○足○賀○矣○

懶仙云振袖揚槌音節諧捷神氣豪上旁若
無人想是王大將軍少時英槩

汾湖石記

葉小鸞 閨女

汾湖石者、蓋得之於汾湖也。其時水落而峴高、
流涸而厓出、有人曰、湖之涓有石焉、纍纍然而
多、遂命舟致之、其大小圓缺、袤尺不一、其色則
蒼然、其狀則崟然、皆可愛也。詢其居傍之人、亦
不知誰之所遺矣。豈其簪爲繁華之所、以年代
邈遠、故湮沒而無聞耶。抑開闢以來、石固生於
茲水者耶。若其生於茲水、今不過遇而出之也。
○風○流○跌○宕○
若其簪爲繁華之所、湮沒而無聞者、則可悲甚。

矣。想其人之植此石也。必有花木隱映。池臺依
倚。歌童與舞女流連。遊客偕騷人嘯咏。林壑交
美。烟霞有主。不亦遊觀之樂乎。今皆不知化爲
何物矣。且并顏垣廢井。荒塗舊址之跡。一無可
存。而考之。獨茲石之顏乎。臥於湖側。不知其幾
百年也。而今出之。不足悲哉。雖然。當夫流波之
衝激。而奔排魚蝦之遊泳。而窟穴。秋風吹蘆花
之瑟瑟。寒宵唳征鴈之嘹嘹。蒼烟白露。蒹葭無
際。釣艇漁帆。吹橫笛而出沒。萍鈿荇帶。雜黛螺

而縈覆則此石之存於天地間也其殆與湖之水泠落于無窮已耶今乃一旦羅之于庭復使壘之而爲山蔭之以茂樹披之以蒼苔雜紅英之璀璨紛素蘂之芬芳細草春碧明月秋朗翠微繚繞于其巔飛花點綴乎其巖乃至楹檻之間登高臺而送歸雲牕軒之際昭遐景而生清風迴風生紫瀾思管之嘯咏流漣遊觀之樂者不又復見之於今乎則是石之沈于水者可悲今之遇而出之者又可喜也若使水不落湖不涸則至今

猶埋於層波之間耳。石固亦有時也哉。
嬾仙云。尋想偏在冷處幽處。俯今追昔。倍增
興廢之感。一石中藏萬斛愁矣。

